




2013





翰苑英華中州集
三


Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches © The Tiffen Company, 2007





中州已集第六

馮內翰壁 一十五首

王內翰若虛 三十八首

麻徵君九疇 二十九首

劉御史從益 三十三首

宋內翰九嘉 二十一首

雷御史淵 二十九首

李右司獻能 二十首

王右司渥 二十一首

冀都事禹錫 二首

馮內翰壁

壁字叔獻別字天粹承安二年進士歷州縣召入翰林再為曹即宣宗朝屢以使指鞠大獄權貴如歸德知府宿州總帥聲勢焰朝廷知其跋扈而不能摧伏者叔獻以法臨之毛髮不貸也幼有重名就所長論之館閣臺諫與賓客言乃其選也徒以小心奉法不畏強禦故屢以城旦書屈之識者有用違其長之嘆興定末以同知集慶軍節度使事致仕居崧山龍潭者十餘年諸生從之游與四方問遺者不絕賦詩飲酒放浪山水間人望以為神仙焉山中多蘭每中春作華山僧野客人持數本詣公以香韻高絕為勝少劣則有罰謂之鬪蘭所釀松醪東坡所謂歎幽姿之獨高者惟叔獻能盡之客有以京國名酒來與之校者味殊不能近正如深山草

衣木食人語覺傭兒販夫塵土氣為不可嚮也是後松膠聞蘭遂為山中
故事叔獻少日在太學賦聲籍甚其學長於春秋詩筆清峻似其為人字
畫楚楚有魏晉間風氣雅為閑閑公所激賞制誥典麗當代少見其比尺
牘又其專門之學風流蘊藉不減前世宋景文左丞董公紹祖奉使江左
得其詩餞行喜見頽問詩四韻每誦一句輒為一舉觴李右司之純談笑
此世為不足玩見叔獻則必為之懽然王延州從之公於鑒裁為海內稱
首敬其名德至不敢以同年生數之北渡還鄉里年七十九終於家墓
而於君子者三曰氣曰品曰量而絕出乎千行氣量之上謂氣與品之
所在不風岸而峭不表耀而著不名位而重人皆艾而尊長故為天地之
美器造物者靳固之不以雅孤雋偉傑之士從容於禮文之域角逐乎功
一之見之同乎其時非無孤雋偉傑之士從容於禮文之域角逐乎功
之地唯俗不可為之歛衽雅俗而何世以得之元佐視缺然陳太丘事業無
然千載而下有為之歛衽雅俗而何世以得之元佐視缺然陳太丘事業無
論蓋如平生子渭字清甫以門資敘仕為密院機察清慎而文天下有馮孝
子之目今居鎮陽

同裕之再過會善有懷希頽

寺元魏離宮十日來九兩前與驕鄉借齋莫少林往其時已薄暮諸勝不

暇訪今同魏諸孫再到風煙上寺僧導升殿雄深肅瞻仰柱礎門限砧追
琢成大壯不見磨琢痕瑩滑明澗朗摩挲三嘆息後世無此匠晚登西南
亭碧玉對千丈如王官天柱如太華仙掌留宿贊公房秀色夢餘想夜靜
耿不眠泉溜琴筑響惜驕今不來聯詩共清賞

和希頽

虎守天門未易通更塵無扇障西風主人何貧盜憎王公論不明私害公
老伏固非千里驥真飛似是五噫鴻紛紛往事渠知幾都付崧巔一笑中

送國暨儀師頽企賢得請歸闕中次朝賢韻

心平窮富恐欺天面有陰功蓋有年歸去青山仁者樂秘來丹訣老而傳
尚暨冗食渠百輩公論共推君十全技道精微仍遠引就非輕舉亦幾仙

河山形勝圖

書劍丁年記昔游中條之麓過蒲州地形西控三秦遠河勢南吞二華秋
晉魏兵爭一春夢漢唐壇祀幾荒丘披圖吊古今人慨不必重登鸛雀樓

雒帥覓蘭作詩以寄

雲插高牙畫戟森春移寶檻燕堂深水南紅藥初退舍嵩麓紫蘭今嗣音

鬪足顏肩坐香累高梁華棟豈渠心使君有問花應語玉樹誠佳非故林
明皇擊梧桐圖

三郎耳譜越花奴風調才情信有餘天寶錯來非一拍霓裳中節亦區區
送人出使

陽春有脚燕疲瘵水鏡無心照潔汗九道澄清天意切人才一一似君無
習池醉歸圖

襄漢方屯十萬兵習池日往不曾醒紛紛悞晉皆渠輩何獨王家一寧馨
東坡海南草茶圖

講筵分賜密雲龍春夢分明覺亦空地惡九鑕愁洞天游兩液玉川風
陰晦中忽見華山

吏部能開衡嶽雲坡仙曾借海宮春蓮峰清曉忽自獻二公何人予何人
草堂春暮橫披

遷客倚樓家萬里五陵飛鞚酒千金草堂澹與春山對幽鳥一聲春已深
元光閒子在上龍潭每春秋二仲月往往與元雷游歷崧少諸

藍禪師汴公方事參訪每相遇輒揮毫賦詩以道閑適之樂今

猶夢寐見之兒子渭近以公故抵任城禪師附寄詩以叙疇昔
未幾駐錫東庵因造謁閒出示裕之數詩醉筆縱橫亦略道崧
遊舊事感嘆之餘漫賦長句二首

性理諸方已徧參歸來一錫駐東庵山中蓮社舊招隱旅舍阿戎新對談
詩筆如君僧有幾文章媿我老無堪綾書大字拈香疏須趁微之酒半酣
少林脩竹欲天參竹外幽閑草結庵顧我雖存唯白髮與君曾此共玄談
干戈橫絕境猶夢草樹荒殘人豈堪鵬覓松膠驛莫頽商歌悲壯不能酣
兩後看竝玉所控諸峯

竝玉如高人壁立九千仞一日不見之令人鄙吝春深木葉敷秀色益
濡潤結茅寄僧藍晴碧時得趁老宿詫孫峯隔侍到韶亂連延青一色枚
數須諦認溟濛空翠閒我亦疑未信朝來雲氣昏理沒瑜匿瑾如蒼梧政
愁湘妃鬱思舜重陰俄解駭靈澗夕暉襯娟娟忽層出歷歷分遠近雲峰
互吞吐千狀纔一瞬出奇如孫吳相降如廉藺如衆星拱辰如侯伯入覲
接武如朋簪承迎如价償負固如吳楚爭長如齊晉怪詭如夷蠻駢羅貢
琛臚窘蹙如擒獲係纒將就覺如應龍神靈蟄卧時奮迅如天駟超軼垠

牧稅羈勒如雄對政容失筋駭疾震如猛士無譁攢槩俟嚴陣獨兩峰巍然魁傑儼崇峻光輔岳柱天鬱為中興鎮降生申與甫周室債復振詩傳配崧高百世磨不磷

同希頽怪松

崧高地氣靈花木競妍秀玉峰西南趾有松獨怪陋偃蹇如蟠螭奮迅如攫獸葉勁須臾張皮古鱗甲皴菌蠢藤屨怒支離筠節瘦月上虬影搖風度雨聲驟子落慰枯禪枝膠礙飛鼯盤根萬乘器平蓋千歲壽樵斤幸免尋厦匠矧肯搆龍化會有時天早期汝救

王內翰若虛

若虛字從之棗城人承安二年經義進士少日師其舅周德卿及劉正甫得其論議為多博學強記誦古詩至萬餘首他文稱是善持論李屏山杯酒間談辯鋒起時人莫能抗從之能以三數語空之使噤不得語其為名流所推服類此釋褐鄜州錄事歷門山令入翰林自應奉轉直學士居冷局十五年崔立之變群小獻諂為立起功德碑以都堂命召從之從之外若遜辭而實欲以死守之時議偶焉北渡後居鄉里癸卯三月東游與劉

文季輩登太山憇於黃峴峰之萃美亭談笑而化時年七十從之天資樂易負海內重名而不立崖岸雖小書生登其門亦折行輩交之滑稽多智而以雅重自持謀事詳審出人意表人謂從之於中外繁劇無不堪任直以投閑置散故百不一試耳自從之沒經學史學文章人物公論遂絕不知承平百年之後當復有斯人不也子恕字寬夫

據憤

非存驕蹇心非傲正直譽浩然方寸間自有太高處平生少諧合舉足逢怨怒禮義初不愆謗訕亦奚顧孔子自知明桓雅非所懼孟軻本不逢豈為臧氏沮天命有窮達人情私好惡以此常泰然不作身外慮

贈王士衡

王生非狂者乃以善果稱每至欲悲時不聞醉與醒音詞初惻愴涕泗隨縱橫問之無所言坐客笑且驚王生不暇卹若出諸其誠嗟我與生友此意猶未明絲染動墨悲麟士傷孔情韓哀峻嶺陟兀感窮途行涕流賈太傅音抗唐衢生古來哭者多其哭非無名生其偶然歟何苦摧神形如其果有為為爾同發聲

貧士嘆

散無塵瓶無粟比風蕭蕭吹破屋入門四顧何悲涼稚子低眉老妻哭世無魯子敬郭元振之真丈夫故應餓死填坑谷蒼天生我亦何意蓋世虛名食不足爭如只使冗且愚大腹便便飽梁肉

感秋

西風撼庭柯疎葉鳴策策天地一蕭條羈懷亦岑寂青春恍如昨轉盼年半百自從長大來轉覺日月迫功名非所慕老大不足恤怛然感時心自亦不能釋清晨梳短髮已見數莖白刀鐸雖可施殆似兒子劇此身委蛇耳毀棄無足惜况於毛髮間而乃強修飾青青如陸展星星行復出畢竟白滿頭復將何所摘

生日自祝

空囊無一錢羸軀兼百疾况味何蕭條生意渾欲失清晨聞喧呼親舊作生日我初未免俗隨分略修飾舉觴聊自祝醉語盡情實神仙恐無從富貴安可必脩短卒同歸何足喜與戚一祈粗康強二願早閑適衣食無大望但要了晨夕萬事不我撻一心常自得優游終吾身志願從此畢

失子

妍妍掌中兒捨我一何遽其來誰使之而復奄然去平生三舉子隨滅如朝露顧我能無非其如有天數自從學道來衆苦頗易度有後固所期誠無亦何懼人生得清安政以累輕故婚娶眼前勞託遺身後慮百年曾幾何爲此雜雅悞顧語長號妻此理亦應諭

憶之純三首

幼歲永真契中年得偉人傾懷當一面投分許終身燈火談玄夜鶯花逐勝春何時重一笑曾次欲生塵
面目三年隔音書萬里遙
宦途俱蹭蹬日事各蕭條志大謀常拙身孤道易消本無當世用隱處會相招
雋氣輕天下高情到古人
銜林曼卿放下筆老坡神時論誰優劣人材自屈伸窮愁須理遣不必淚沾巾

復寄二首

志大言高與世違拂衣作竹林歸黃塵道口風波惡未必先生自處非
自笑趨塵亦強顏食謀未免敢言閑紫芝果可充飢腹從子玉屏巖石間

病中二首

學道今何得謀生又不成藍衫幾棄物絳帳亦虛名事拙應天意交疎即
世情煩憂時自解感觸又還生
鬱鬱窮愁意營營久病身詩情渾欲減藥物但相親未得驅窮鬼終須問
大鈞三時勞慰拊甚愧故人真

感懷

枉却全家仰此身書生那是治生人百憂耿耿填骨髓強作歡顏慰老親

自笑

酒得數杯還已足詩過兩韻不能神何須豪逸攀時傑我自世間隨分人

別家

到了身安是本圖何須身外覓浮虛誰能置我無飢地却把微官乞與渠

慵夫自號

身世飄然一瞬間更將辛苦送朱顏時人莫笑慵夫拙差比時人得少閑

西城賞蓮呈晦之晦之自号放公

舊賞回頭已隔年高花又見出新妍偶成濁酒狂歌會恰及斜風細雨天

樂事適來偏有興閑身常得分無緣作詩莫怪多誇語差比放公先着鞭

題淵明歸去來圖五首此下皆中年所作

靖節迷途尚爾賒苦將覺悟向人誇此心若識真歸處豈必田園始是家
孤雲出岫暮鴻飛去住悠然兩不疑我自欲歸歸便了何須更說世相遺
拋却微官百自由應無一事掛心頭銷憂更藉琴書力借問先生有底憂
得時草木竟欣榮頗為行林惜此生乘化樂天知浪語看君於世未忘情
名利醉心濃似酒貪夫衮衮死紅塵折腰不樂翻然去此老猶為千載人
翰長閑閑公命題城南訪道圖戲作一詩且為解之云

荅鄭下辨禪師見戲代防禦高侯

得道由來不必勞癡兒舍父謾逋逃閑閑老子還多事時向招提打一遭
竹木蕭森蔭綠苔幽襟自愛北軒開主人無說吾何問乘興而來興盡回
酒肆淫房總道場偶然遊戲亦何妨阿師自墮泥牛趣更笑春風柳絮狂

還家五首

日日他鄉恨不歸歸來老淚更沾衣傷心何啻遼東鶴不但人非物亦非
荒陂依約認田園松菊存亡不足論我自無心更懷土不妨猶有未招魂

山杏溪桃化棘榛舞臺歌榭隨灰塵春來底事堪行戲門外流鶯枉喚人
回思夢裏繁華事幸及當年樂此身閑立斜陽看兒戲憐渠虛作太平人
艱危嘗盡鬚成絲轉覺謹華不可期幾度哀歌仰天問何如還我未生時

山谷於詩每與東坡相抗門人親黨遂有言文首東坡論詩右
山谷之語今之學者亦多以爲然漫賦四詩爲商略之云

絕足由來不可追汗流餘子費奔馳誰言直待南遷後始是江西不幸時
信手拈來卅已驚三江袞袞筆頭傾莫將險語誇勍敵公自無心與物爭
戲論誰知出至公蝸蟻信美恐生風奪胎換骨何多樣都在先生一笑中
文章自得方爲貴衣鉢相傳豈是真已覺祖師佞一着紛紛嗣法更何人

王內翰子端詩近來此覺無佳思縱有詩成似樂天其小樂天
甚矣漫賦三詩爲白傳解嘲

功夫費盡謾窮年病入膏肓豈易鑄寄語雪塗王處士恐君猶是管窺天
東途西抹闢新妍時世梳粧亦可憐人物世衰如鼠尾後生未可讓前賢
妙理宜人入肺肝麻姑搔背豈勝便世閒筆墨成何事此老胸中自一天
麻徵君九疇

九疇字知幾莫州人三歲識字七歲能草書作大字有及數尺者故所至
有神童之目章廟召見問汝入官殿中亦懼怯否對曰君臣父子也子寧

懼父耶上大奇之弱冠住太學有聲場屋間南渡後讀書北陽山中其詩
書空山裏落日似巖幽山鬼語夜半怪我台以古學自力博通五經於易

春秋爲尤長少時有惡疾就道士學服氣數年疾遂平又從宛丘張子和
學醫子和以爲能得其不傳之妙大率知幾於學也專故所得者深飢寒

勞苦人所不能堪者處之怡然不以累其業也嘗爲鄆城張伯玉賦透光
鏡欽叔傳之京師趙禮部大加賞異貼壁間坐卧讀之興寔末府試經義

第一詞賦第二省試亦然簾試以脫悞下弟知幾先有才名又連中甲選
天下想望風采雖牛童馬走亦能道麻九疇姓名正大三年右相侯蕭公

趙禮部連章薦知幾可試館職乃賜盧亞榜第二甲第一人及第授太祝
權太常博士應奉翰林文字知幾資野逸高蹇自便與人交一語不相入

則逕去不返顧自度終不能與世合未幾謝病去作詩工於賦物如夏英
公象韻其詩云千狀萬態如有不城乙鳥號神自茲始簡如庖羲地上畫繁

周山迤如逆上蠶叢水積如女嫗石未煉碎如昆吾瓦經毀蚩尤怒觸不
後由黃帝鼎成足下峙五文專車斷禹戈九日橫天落羿矢流蘇不去龍

垂露銜書忽來鳳挽蒼方相四目關門闕雙牛一及手植檜印章等詩可
見也字畫正書八分皆有功詩最其所長少時猶失持擇近詩精深峭刻
似其為人他文不及也明昌以來以神童稱者五人太原常添壽四歲作
詩云我有一卷經不用筆寫成展開無一字晝夜放光明合河劉滋文榮
六歲有詩云鸞花新物態日月老夫劉微伯祥七歲被言賦鳳凰來儀
新恩張漢臣世傑五六歲亦召入賦元妃素羅扇畫梅云前村消不得移
向月中裁其後常隱居不出餘三人者皆無可稱道獨知幾能自樹立一
日名重天下者舊如閑閑公且以徵君目之而不名也壬辰歲遇亂卒年
五十平山常仲明之子德葬之小商橋傍近趙莊

賦伯玉透光鏡

太陰淪魄元不耀太陽分光成二曜嗚呼怪銅盜此幻透影在壁與背肖
奩開燿燿光走庭劃如剗犀乍脫鞘泓澄秋落百丈潭疑有龍向天門跳
秦娃漢婉化爲土龍雨恩雲埋鳳詔當年椒塗鑑桃李身後泉臺映蓬蘿
枕簟無情草木香笙歌不暖鼻狐嘯觸髓一醜不再妍不知持此將安照
萬斛珠璣委備人喚得偷兒成鬼剽借問金椎一控時何如海上青蠅吊

壽如金石佳且好此銘此篆兩奇峭今誰子後曩誰先贏得紐樞經蟻竅
千古繁華一夢醒恍然入手稱神妙丹砂紫翠羽青萬金難買人年少君
侯新自洛陽來玉臺人物今温嶠相看大笑古人癡收鏡入奩還自笑

跋范寬秦川圖

山水人傳范家筆畫史推尊爲第一揭來因看秦川圖天下丹青能事畢
大山巖巖如國君小山鬱鬱如陪臣大石盤盤社與稷小石落落士與民
一山一形似爭長一石一態如布軍想君留月中有全秦見錄削錄錄乃真
掌上長安近於日千樹萬樹生青春憶昔岐山鳳皇語葱蔥柝城霑新雨
昆夷束手密須降不見功勳見歌舞黃金鑄牛西入焚五丁雲棧通中國
驪山官闕九天高六處屠王走銜壁不信詩書信法家關東半被魚書惑
盡卷圖籍亦大好五十年兇都一掃章邱董翳舉如毛沐猴冠委金陵道
北原兵自天而下漢室傾頽如解瓦祁山六出縱無功渭水猶堪飲君馬
螭蟠老将骨未朽草付那能濟陽九技癢投鞭抵歲星歸來鹿死何人手
神武空矜賀六渾投機常落周人後竟令馮翊軟沙邊東風一夜吹新柳
侵尋卓角相料理拋擲龍津浮汴水鷓頭過處已非隋不覺晉陽人姓李

華清高宴夏宮梧舞馬如何護兩都縱得青驄還蜀道肉得沙場白骨無
興亡自取不足吁可憐神州為盜區貪徵徃古山川事忘却題詩賞畫圖

松筮同希顏欽叔裕之賦

犧尊青黃災木命羈絆剪剔傷馬性折松為筮得之天此君幸免殘橫
初緣形似有代無不料奇功乃差勝人間斤斧不須勞坐中活火鳴篴簫
千秋整骨養霜雪一日奮鬚翻雲濤巖巖擊拂殷雷起顛風蹴踏銀山高
莫嫌勺水懦無力如捲三江都一吸借汝歲寒姿扶我衰朽質掃除幻夢
不到眼洗刷埃霾下骨臆捫霞直與羨門期一笑采田海波白

竹癭冠為李道人賦

東方有物字豐隆以鳴為職驅群孽萬頭濺濺囚凍窟欲出不出愁天公
迴寒作煖出一噫黑帝不敢藏昆蟲所以獨為六子長揮斤元氣周神功
車轟鼓震頃萬里六甲雲風隨喚起四陰用事合收聲猶奮狂陽鳴不已
號令非時遭物玩草木不凋花再蕾惱得司秋詵帝闔漏泄機緘法當死
天公大怪下桎梏摧落車中墮巖谷非程非馬亦非人化作蒼莖一枝竹
勁氣剛風難遽銷夜聞風雨猶蕭蕭聳身直上三千尺天公又怪干雲霄

鬼壓神縛不聽出只見白雲鎖三日雲散唯餘青屈盤頤隱於臍變仙質
道人真是萬物盜斫取為冠就天巧秋霜爭敢上頭顛常與春風同醉倒
此冠固奇惜未大有冠獨在方之外日月為藤織四時烟霞為樺綿千載
天潢絕漢梁虛碧北斗旋衡斡沉壑不隨脂粉侶狡狴不逐風霜陪獬豸
一任旋乾復轉坤頭上栽栽終古在欲作檀那施此冠不識先生苦為戴

彈琴懷山中人

門前雪垂垂室中理朱絲手按十三徽心飛天一涯故人渺何許萬里驚
鴻飛試憑朱絲語一聲聲亦悲一彈雪欲落再彈雪正作只在此山中故
人今憂樂我欲彈文王岐山雲渺茫我欲鼓曾子無田可耘耔道遠望不
及千山復萬水思君復思君正恐須驕瞞右夢若不來奈此宮商何春風
早晚起百鳥喧庭柯時携一尊酒為君奏雲和

夏日

亭柯碧合龍蛇影睡起轆轤鳴曉井一簾曉雨捲不晴槐花滿地黃金冷
屈指西風又到門相思團扇欲生塵何時萬戶垂楊裏高揖金鞭逢故人

牛嘆

誰憐宿料一生無身後仍遭金十奴惟蓋却教蒙狗馬不知何事負農夫

清明

村村榆火碧烟新拜掃歸來第四辰城裏看家多白髮遊春總是少年人

暮春山家二首

山煙向晚白濛濛人過梨花樹底風一犬不鳴村徑黑野燈孤起遠林中
語闌壯氣欲消磨奈此青燈永夜何壁上取琴彈一曲不知天外落銀河

手植檜印章

梁折山摧入小成日華留得寸暉明不盈一握空蟲篆未喪斯文粗姓名
草木西周朝有暮圖書東觀死猶生二千年後司封細未信裁時出此情

贈裕之

向來三度見君詩常望西山有所思誰料并州天絕處相逢梁苑雪消時
賢人樂古聲猶在聲叟文高世豈知只恐神嵩不留客秦川如畫渭如絲

秋懷

江山如畫衣冠盡滿柳無情官殿秋亦用此韻者也

昨夜新涼御褐裘一番節物弄清愁月懸雙杵若為夜人在一隅偏覺秋
敗葉只能驚畫扇啼螿終不到朱樓還鄉夢斷寒衾曉依舊雲山是蔡州

和伯玉食蒿醬韻

九尺東方生不如一侏儒飲啄各有程厚薄與生俱文蒲及屈芟何乃淡
以枯正如謝三旌甘心作羊屠伊蒿本薪材豈足克庖厨薄雪草草堂徑新
霜古城隅河南地差煖冬有不死蕪青來澗邊宮綠入几上孟微香能侶
菊小苦賢於茶酷烈變醞醞薰釀破脂酥書生喜倒說食亦變精鹿借問
冰茶者何如羔酒乎况爾蓼彼蕭蓬拓固其徒偶然躡一等遽欲忘樵夫
邇來歲頗饑大半殲在途攘肉或至犬首丘不如狐命賤祇求死計窮交
議通尚有紈袴兒朝夕食於株寧知掃野裨一飽不易圖遂令人輕生不
畏鑽與鈇如君有蒿醬猶畏千金軀

復次韻

五臟太多可張頤託臞儒自非何曾家安得陸海俱莊周幸有粟不至魚
肆枯何勞更門市下車朱亥屠春韭與秋菘歲晚不供厨蒿腹不高目大
方果無隅為醬非貧口猶勝菘菜蕪豈無青精飯駐顏炊一玉盃豈無苜蒲
歌辟邪如神茶又豈無椒花除瘟等醪酥蒿於數品中頗同武官鹿數品
雖異饌置之醬可乎猶材各有施豈必皆吾徒公綽優為老劣於滕大夫

大抵食如土取之非一塗君詩誌其味食經有董狐被哉龜羹指斲棺終
莫通彼哉萍薺手竟死珊瑚株寧如醬以蒿不出本草圖蓋後人好奇一
洗腥砧鉄爲謝饒崇鬼渠今離我軀

又翌日又爲履道所賦其意似欲
窮吾技再和前章書呈伯玉

豈可爲多啖博哉釋草儒奈何騷人諫不與蘭茝俱青青發陳荈嫩勝梯
生枯面柔似張禹氣冽如申屠忍逢易牙口一日登君厨君兄昔在日作
事太廉隅游宦三十年未治一室蕪嘗載米之郡政如置水孟不義獲八
环棄之猶董茶相對話終日茗椀無益酥見客惟恐遲遇飯不擇鹿無食
但有名窮不亦宜乎我本寒素去卧雪表司徒臭味偶相似豈是敦薄夫
見君食蒿醬取嘲於仕途和君蒿醬詩緼袍隨衣孤詩醬兩情苦此債無
由逋蒿荻無棄材奈此蒼松株何當列劍兗一依饗禮圖唯聞廣庭樂不
見轅門鉄此日雖無醬猶堪養羸軀

元裕之以山遊見招兼以詩四首爲寄因以山中之意仍其韻
石華政可採負我孤舟蓬胡爲紅塵裏擾擾槐安宮山間綠蘿月一照千
巖空洪崖去不返清游誰與同空餘松根泉雜佩流無窮人心墮泥滓不

如與天通舉頭視霄漢浩露洗心骨

日月兩角蝸天地一粒粟老盆可徑醉豈擇瓦與玉大笑區中人朱門丐
梁肉清曉登少室日夕眺王屋紫煙晞我髮碧霞貯我腹溪中有白雲萬
事付濯足物物愜幽情不獨蘭與菊

南風入桂樹高葉碧崢嶸舉手戲攀折上與雲煙撐黃金間白玉遍地先
晶瑩笙簫坐間發鸞鶴空中鳴浩歌山谷應起舞衣裳輕一尊石上酒如
我浩氣盈目送飛鴻盡青雲萬里平

國風久已熄如火不再然流爲玉臺詠鈿粉嬌華年政須洗妖冶八駿踏
芝田青苔明月露碧樹涼風天塵土一盡象緯昭昭懸寂寥抱玉辨爭
竟搖尾憐幸有元公子不爲常語牽

許方叔即事聯句體

披熱達許方山巔青漫漫野蕘麥初割畦綠蔬纒灌村籬綠葉深巷樹春
花亂煙長見新治風速聞清鐵濯衣女在溪敗鐵人栖館墻危壘破石路
黑沾遺炭山雲頃刻雨沙地須臾曠鐸鳴駕犢耕罩密防雞散綠餘殘繭
挂釣罷公系貫沽酒有客餘鬻李何人喚朴慙官始威牒煩民更玩歷險

小車多逢人黧衣半懸遠肉難求山近寇可道何當卜隱居尋我杖藜伴
梁山宮圖

梁山宮高高切雲秦家簫鼓空中聞宮殿作雲王作龍何人敢謁滴池君
珠圍翠繞窮天下道上行衣半赭不覺生靈血液枯化為宮上鴛鴦瓦
朝盧生暮侯生師事二人學羨門焉知以政藏其身神仙亦死何曾神空
能詐取六孱國不識盧生真閭客種成間隙盧生去尚令道士作鬼語祖
龍竟墮此機中以璧見欺猶未悟魚腥引得扛鼎來梁山火滅漢旗開何
如後世丹青手一夫不役千樓臺梁山之圖却傳世梁山之宮安在哉

跋伯玉命簡之臨米元章楚山圖

巴東峽壁如駁霞天鑿荆門當虎牙下有奔湍沉碧沙直衝北顧如投家
雲煙昏曉互明滅朝看落日暮吞月遠山如指近如奉過客那知空一瞥
高人廬此恨來晚不厭孤蓬疊往返莫言造物好窮人許大乾坤富君眼
以心為鏡照諸山山如人面紛殊類扁舟日日青山上青山却在滄波間
人道癡兒固貪取我怪高人亦如許已將胃次衽長江更把豪端扛巨楚
薺列楓林葉浮舸巧促魁梧入公麼丈尋收拾無邊春千里遊邀坐中我

自此頭吳尾甌越巒烟五月疑人駿江山多處乃爾毒始信中原天下甲
楚山可覽不可上水氣昏昏且多恙畫山縱不到真山有楚之峯無楚瘴
靜明居士見山饒想在庵中得飽參戲呼老李臨君畫已坐君貪我更貪

秋雨小霽湖陽道中

一雨初晴菊瘁花朝來啼殺報晴鴉地鄰異域空懷古人對殘秋更憶家
十月紅爐是明日往年新火醉流霞忿忿又上湖陽道何處還堪駐客槎

秋望

雲氣東南壯風煙正北長遠人投屋小寒草帶城荒馴鴨便秋潦飢牛背
夕陽閑情儘堪畫未要雨浪浪

堂谿城南感寓

斷岸崩崖帶草長茂林高塹晚生涼田頭經水成駒卧雲色因風變狗蒼
戰地尚餘唐壘柵故城曾入楚封疆牛童趁日貪捫虱那解興亡事可傷

俳優

施能賣晉移君貳旃解譏秦救陛即多少諫臣讎獲罪却教若輩管興亡

李道人家山圖

見說高齋住太行溪山襟帶古祠堂圭桐葉落周家雨鐵樹根盤晉國霜
烽火不堪耕夜月畫圖猶可掛殘陽自怜不及汾川鴈春去秋來過石梁
李道人嵩陽歸隱圖

城郭維崇井里維通冠蓋維錯綺維縵云誰之子招子歸嵩舍我箏筑
樂彼潺淙食彼瓦釜遺我鼎鍾去誰之子繪子歸嵩離人友鹿避俗朋松
石嚙我足泉癭我隴吾恐時人笑子歸嵩有山有怪有水有龍盜出寇沒
嘯兇咻熊吾恐狂人誑子歸嵩子謂我言決意歸嵩歸嵩何如如鴻避弋
如鶴脫籠與幻俱化與化俱融是以歸嵩南山重重翠如植葱北山隆隆
紺如堆銅仰嵩俯嵩雨濯雲烘嵩之為我我之為嵩我聞子言衣如張風
心先去鳥層雲湯旬靜言思之富為目嵩貴為心蓬飾說于令詎知任公
歸嵩良是生龜脫筒子不歸嵩送子歸嵩

陽夏何正卿作疊語四句未成章予復以疊語寄之凡四變文
緼緼蠹蠹何等民矯矯元元內守真昂昂藏藏獨異俗落落莫莫不厭貧
歸與歸與且餬口鳳兮鳳兮德衰久樂云樂云無絃琴命乎命乎一椀酒
匪鱸匪鮓故為藏避言避世必也狂至大至剛秣吾馬爰清爰淨修我牆

用之捨之時所係晉如摧如寧復計煖然凄然任春秋優哉游哉聊卒歲

紅梅

一種冰魂物已尤朱屑點注更風流歲寒未許東風管澹抹穠粧得自由

劉御史從益

從益字雲卿南山翁撫之曾孫大安元年進士拜監察御史坐與當路者
辨曲直得罪去久之起為葉縣令修學講義從善抑惡有古良吏之風葉
劇邑也兵興以來戶減三之一田不毛者萬七千畝其歲入七萬石故在
也雲卿請於大農為減一萬民賴之流亡歸者二千餘家未幾被召百姓
詣臺乞留不聽入授應奉翰林文字踰月以疾卒時年四十四葉人聞之
以端午罷酒為位而哭且立石頌德以致哀思之心焉雲卿博學強記於
經學有所得為文章長於詩五言古詩又其所長雷御史說雲卿在太學
時年甚少嘗有詩云黃金錯落雲間闕紅粉高又柳外墻時輩皆推伏之
其卒以詩得名者固已見於此矣葉卿詩如蒹葭斜日村晚裏柳寒浦
岸岸秋兩鄉留寓風薰面千里相望月
川臨終云壞壁秋燈挑夢破老梧寒雨滴愁生比類甚多不能悉載也
有蓬門先生集行於世二子祁字京叔郁字文季俱有名於時

題蘓李合畫淵明濯足圖

天機本自足人事或相須東坡畫三昧迺與龍眼俱黃州富丘壑餘杭渺江湖已困口嘲弄更堪手糊塗其來本游戲所到非功夫平生斜川翁尚友千載餘可聞不可見風標定何如笑倩李居士爲子巧形模臨流想有詩滄浪元非漁不入聲利場政恐吾足汚仁公有深意百年留此圖不着色塵相澹然如游天地初主人牢絨滕丹青有逾此不渝

過尉氏懷阮籍

朝來國門遊暮投蓬池宿有懷阮步兵豪氣無檢束嘯歌陟高臺長風振林木老眼何曾青四海無一物萬古留詩名九原消醉骨居然方丈家惜也微瑕玉塗窮道不窮先生安用哭

泛舟回瀾亭坐中作

昔年醉回瀾猶恨身屬官今年邂逅來身與亭俱閑洗心亭下水照眼亭西山溪山如故人喜我復來還有酒澆我曾有花怡我顏羈鷹乍脫臂但覺天地寬山陰忽回舩夜闌情未闌

樂山松

樂山一何崇上有千歲松清孤月露底秀拔天地中蒲柳抱常質桃李開芳容爭如十八公笑傲冰霜風居然喜避世不肯汚秦封蟠如北海螭伏如南陽龍紛紛過者多匠石終不逢明堂幾時構喚起蒼髯翁

和淵明雜詩

俗士苦紛競此心本無塵功名過外物了不關吾身吾身復何有形神假相親天地開一室日月挾兩鄰有生即有化如晏之必晨但得酒中了亦足稱達人揮戈欲却日小力自不量何如任天運閉門坐齊芳詩書列隔着我於中央夏臥北窻風隆冬曝朝陽但有藜藿羹亦足充飢腸

少爲飢所驅老爲病所迫人生能幾何東阡復南陌急須沽酒來一笑舉太白浩歌草木振起舞天地窄同歡二三子誰主復誰客浮沉大浪中畢竟歸真宅歲月去何速老炎變新涼游子久不歸回首望大梁風埃慘如此何處真吾鄉野菊明落日林楓染飛霜勸我一杯酒悠然秋興長

和淵明始春懷田舍

家食自不惡菽水甘清貧學道未有得讀書亦良勤雖勤竟何補俛首愧古人靜言閱世故來者日月新况復抱沉痾百憂無一忻安得衛生訣益

我華池津况如一夢覺不與萬法鄰野人借問我恐是劉遺民

和荆明飲酒韻

日入了公事援琴洗塵喧秋堂一燈明清響到夜偏彈罷枕書臥渺然夢
青山山英向我問君駕何時還家僮忽喚覺惆悵不能言

臘日次幽居韻

世務方擾擾人生何營營不如不出門坐頤天地情泰中有否來陰極即
陽生掀髯一笑起窓外風鐸鳴看雪偶獨立踏雪時閑行最愛朝日外負
暄向南榮

歲除夕次東坡守歲韻

人生都百年誰問鬪龜蛇容顏鏡中換老醜不可遮殷勤守此歲來歲復
如何南鄰祭竈喧北里驅儺譁須臾罷無爲但聽樓鼓過明朝四十過暮
景真易斜初心自慷慨白首還蹉跎寄語少年子雖健不足誇

次韻別歲

一日復一月其來不肯遲一冬復一春既去誰能追問歲果安往惜不知
津涯常於歲除夕知是相別時鄰翁慣禮錢買酒烹鮮肥百挽不得留一

別那須悲年年例如此華髮吾何辭惟有學道心自覺老不衰

次韻餽歲

親朋餉無時鄰里歡有佐况當歲之終可以具百貨禮意各示勤手段不
妨大我貧無往還閉戶但高卧藜藿且充腸蚶味不登坐猶勝許文休衣
食出馬磨自非揚子雲載酒何人過空吟餽歲詩自歌還自和

清明即事用前韻

一度清明了一年溫風嫋嫋兩班班幾家繡憶尋芳去何處蹇驢馱醉還
宿草新墳驚世短落花流水占春閑曉鶯啼破松葱夢缺月東南掛屋山

五月十四夜對月有感

世事易隨雲變滅人生難保月團圓淮陽旅舍三年夢河朔風聲五月寒
何處雲山端可老向來天地爲誰寬官游脚底生荆棘蜀道而今却不難
再過鄧城示伯玉知幾

三年兩度過殷陽鞍馬紅塵道路長花月不應知我老溪山也解笑人忙
朔風凜凜頻驚坐夜雨蕭蕭偶對床他日水南營葬地愧無遺愛在桐鄉

次韻閑閑公夢歸

眉間喜色幾時黃
蒲貯羈愁着瘦腸
萬里鄉關飛不到
十年歧路走空忙
盃心蘸月松梢影
鼻觀通風栢子香
最愛南山舊山色
夢中相覓不相忘

題閑閑公夢歸詩後用叔通韻

學道幾人知道味
謀生底物是生涯
莊周枕上非真蝶
樂廣杯中亦假蛇
身後功名半張帟
夜來鼓吹一池蛙
夢間說夢重重夢
家外忘家處處家

送儀提點西歸

自斷平生不問天
拂衣歸去任吾年
五侯鯖鮑無多味
九老圖成又一傳
回首京華瞻日遠
放懷鄉社得天全
綸巾醉卧咸陽市
始信人間有散仙

再虞

人定端能坐勝天
刀圭有力制頽年
道非出世頭頭是
丹不遺經口口傳
陰魄沉迷終鬼錄
陽精飛鍊即神全
三山縹緲誰能到
目下身安亦是仙

次韻李公度

鉗有儲糧鬚有絲
蹉跎歲晚坐書癡
朝川畫隱王摩詰
錦里詩窮杜拾遺
應舉尚陪新進士
主文半是舊相知
春闈看決魚龍陣
未必尖錐勝鈍錐

題無盡藏梁斗南所藏畫

誰開天地秘密藏
今古人間用不窮
眼尾搖光千丈月
耳根傳響一溪風
勝游赤壁文章在
高卧燕山氣象同
二老風流渺何許
後生猶可畫圖中

三弟手植瓢材且有詩予亦戲作

為愛胡盧手自栽
弱條柔蔓斬繁回
素花飄後初成實
碧蔭濃時可數枚
試問老禪藤繳去
何如游子杖挑來
早知瓠落終無用
只合江湖養不才

次韻三弟贈南庵老人

一庵礮礮勝巢仙
不入叢林恰是禪
花圃蓮塘閑打景
粥盂齋鉢老隨緣
忘言已了八千偈
適意更揮三兩絃
邂逅我來推不去
坐分一半好風煙

次韻劉少宣

旅窻蝶夢曉驚迴
默數流年祗自哀
與世迂踈甘袖手
及身強健且銜杯
桐彫翠葉看看盡
菊着黃花旋旋開
杖履南庵訪幽事
秋光滿眼送詩來

酬李子遷

曾著朱衣侍冕旒
忽乘羸馬出皇州
青山有約携琴往
白髮無成把鏡羞
却笑張儀誇舌在不妨
巢父有詩留柳湖
莎徑東南夢又見
兒童迓細侯

過洧川次侯生君澤韻

誰能孤憤效韓非且喜玄微對鏡機出得山來無遠志寄將書去有當歸
閑居已判平生了真賞從教舉世稀日咀道腴深有味更須口腹事甘肥

聞菴用少陵韻

唧唧不堪聞村居更惱人青衫傷久客華髮念雙親歲莫那逢雨秋宵未
向晨石心猶可轉百感本來真

除夕用少陵韻

窻送迢迢漏燈開艷艷花正愁聞過鴈久客羨栖鴉放眼春猶好驚心日
又斜一蓑江上雨歸思浩無涯

即事

卧疾劉公幹躬耕鄭子真溪山留好客天地許閑人花醉紅沾袖松吟翠
繞身捫心無所歎持此壽吾親

宋樓道中

十里羊腸路詰盤過花穿柳幾回還馬頭忽轉青林角綠繞人家水一灣

過武丁廟

旱則爲霖水則舟若人端合夢中求荆王枕上陽臺雨板築英雄老死休

戲荅佶威卿覓墨

萬松火厄化緇塵依舊徂徠雪裏春冷齋香螺夔一足破慳分與畫眉人
官中取張遇墨燒去膠以之畫眉謂之畫眉墨

北園

碧梧斜影落胡床白葛烏巾滿意涼宴坐不知紅日晚笋輿歸路麥花香

宋內翰九嘉

九嘉字飛卿夏津人黃裳榜進士科歷藍田高陵扶風三水四縣令皆
有能聲入爲右警巡使應奉翰林文字正大中病失音廢居歿於癸巳之
禍嘗有詩云浩歌風露下醉袖拂南山又題壽安煙霞亭云粧鑿土壁紅
千點界畫銀沙綠一鈎其才藻可略見矣

途中書事三首

幼穉扶輪婦挽轆連顛翁媪抱諸孫飢民羸卒如流水掘盡原頭野蕨根
老穉扶携訪熟鄉驛塵滿路殫相望終朝拾穗不盈把只有流民如麥芒
攘絲奪麥人爭略烘日吹風天有年湯餅元非小人腹蠶絲都作大夫賢

館中納涼書事

涼洒塵纓曠耳醒虛堂窈渺好風清
雀知愛子來迴哺鼠不畏人旁午行
每用熟眠酬閔叔端知固有享高明
宦游非不佳官府奔走塵勞漫一生

東州有感

東城衰草沒黃沙故壘周遭小范
街牧豎那知真老子龜趺繫馬卧吹笳

搗金明岩作建隆體

建牙誓諸將梟鳴軍盡驚除道非戰事
銜枚幻音兵滿鎧霜日輝行陣寂
無聲平旦飛出谷桑棗蔽金明定知
此陳迹中原遮寇城執鞭吾不及范
公凜如生破碑字仍在羸羸卧深荆
危襟按其壘信哉天下英成敗翻覆
手狐兔今橫行收復會有時夷吾當
請纒開圖睨督元按劍逐長鯨閉塞
亦已久一揮氛曠清

被檄從軍

不巾不襪柳陰行朝醉南村暮北庄
一旦捉將官裏去直駈盲馬陣中央
即所乘盲馬而言

留別孫俊民姚公茂

草根殘日射離觴主席風生熱肺腸
此去兜零紅照夜輸君吹笛傍糟床

醉醪菊

醉醪風味醺人醉着莫東籬愛酒翁
一夜金英全換骨冷香晴雪滿秋風

蓮社圖

野鴛家雜俗好珉虎溪泉石蒲塵埃
壯哉砥柱類波裏惟有淵明挽不來
飛卿不喜佛法自言平生有三恨一恨佛老之說不出于孔氏前二恨辭學之士多好譁經潤文三恨大才而攻異端淵明挽不來之句蓋自死也

卯酒

鵬蟻初浮社參芻宿醒正渴卯時投
醉鄉兀兀陶陶裏底是形骸底是愁

雷御史淵

淵字希顏別字季默同知北京路轉運使事思之季子崇慶二年黃裳榜
進士甲科釋褐涇州錄事徐州觀察判官召為荆王府文學兼記室參軍
轉應奉翰林文字同知制誥兼國史院編修官拜監察御史以公事免用
宰相侯幸卿薦除太學博士還應奉終于翰林修撰初在東平東平河朔
重兵處也驕將悍卒倚外寇為重自行臺以下皆務為摩拊之希顏蒞官
自律者甚嚴出入軍中偃然不為屈不數月閭巷間家有希顏畫像雖大
將亦不敢以新進書生遇之嘗為戶部高尚書所辟權遂平縣事時年少

氣銳擊臺右發姦伏一縣畏之稱為神明及以御史巡行河南百姓相傳雷御史至豪猾望風遁去正大吏寅倒迴谷之役希顏上書破朝臣孤注之論引援深切灼然易見而主兵者沮之策為不行至今以願望為當國者之恨希顏三歲喪父七歲養於諸兄年十四五貧無以為資乃以胄子入國學便能自樹立如成人不二十游公卿間太學諸人莫敢與之齒渡河後學益博文益奇名益重為人軀幹雄偉鬚張口哆顏渥丹眼如望羊遇不平則疾惡之氣見於顏間或嚼齒木罵不休雖痛自摧折然粹亦不能變也生平慕田疇陳元龍之為大而人亦以古人期之故雖以文章見稱在希顏仍為餘事耳

雲卿父子有宛丘之行作二詩為餞

陽春到上林百卉紛白紅岸谷稍敷腴溪光亦冲融獨有石間栢不落鼓舞中期君如此木歲晚延清風

漢庭議論學煩耳待敢向君家賢父子千載蔚相望讀書二十年閉戶自師匠異端絀偏雜陳言刊猥釀剛全百鍊餘氣出諸老上顏風正波靡去去作隄障

京叔將拜掃于陳徵言為贈老嫻廢學茫無所得獨記其與屏山雲卿襟期所在者非以為詩也

梁苑池塘生綠煙吹臺草色春芊芊故人幽扃閉長眠氣豎英英猶眼前陽春無力蘇重泉孝子感時涕泗漣匍匐歸掃淮陽阡徵予贈別意拳拳我自頑頓須人鑄安能視後輒子鞭姬情孔意星日懸翰旋萬化中持權斯文興喪實閔天尋常墨客技藝然豎巫星曆相比肩何用雕琢空徂年即今海縣謾腥膻獨挽洙泗可洗前迺公有志屏山賢二豪在日子牽連傷哉未售墳已顛老我欲種南山田子之兄弟其周旋事業絕勝空言傳

同裕之欽叔分韻得莫論二字

幼安謝辟命子雲老寂寞趨嚮豈獨異時命非所度我久困流離一屢求負郭雖無斬敵功尚舉力田爵林少啓吾封四履盡伊洛有客來問津醉眼入寥廓世事久閉眼終日只睡昏清風何處來佳客已在門倒屣往從之玉色向我溫妻孥趣作具歡善傾瓶益清夜襟袂往共就遺山元朝諳及俳語發揮閒微言懸斷漏天樞高雷驚鄰垣脗合政相和意到俄孤騫恨不倒困廩矧肯留籬礎弃屨獲珠玉披榛見蘭蓀我肱已三折醉墮偶全渾知無

適俗韻量力任灌園二君清廟器巾幕華壘尊蒼生望休息朝廷待崇尊
出處既異途會合難預論此樂未易得此夕勿憚煩白酒舉初子黃雞溷
諸孫水樂喧後部山巖秀前軒一醉萬事休商聲蒲乾坤

會善寺怪松

物生自有常怪特物之病嗟嗟此老蒼怪怪生魁柄侏儒蹙股宿瘤擁
腮頸蜿蜒蛟龍戲騰擲龜虎競須髯喜張磔意氣怒狂迸匠石求棟楹節
目足譏評芻蕘急薪樗堅悍空眈瞪靜言觀倚伏未易相吊慶雖違時世
用顧免斤斧橫陽秋莫榮悴歲月何究竟盤盤曲則全挺挺獨也正小草
悞掃迹伏神還守性儻隨天中景廣宇共麻映

玉華山中同裕之分韻送欽叔得歸字

洗耳潁川水療飢西山薇山川得佳客草木生光輝末路風教薄此道日
已微相期千載事非君誰與歸

九日登少室絕頂同裕之分韻得蘿字

閑居愛重九佳人重相過登高節物少室鬱差峩迺遞謝塵王吏猶出
煙蘿斂如據鰲頭萬壑俯蜂窩浩浩跨積風瀾瀾渺長河日車長紅輪天

宇凝蒼波指點數齊州始覺氛埃多我無倚天劍有淚空滂沱驚鱗盼奧
渚倦翼占危柯悔不與家來結茅老巖阿歸途暎老阮廣武意如何

月下全飛伯觀畦下灌園得畦字

村居鄰老圃喘汗潤夏畦輓輻捷晚涼用輪轉天蹊劍金融溝洧消冰
泮溪黃萎漸蘇息綠潤俄淒迷生意續夜氣甘滋浹新萋風露觸麴香河
漢望中任野人無遠謀且喜豐食鮭雖愧下帷董稍悟養生嵇歸懷自浩
然流光挹平西

濟南珎珠泉

大地萬寶藏玄冥不敢私披開青玉璫渾渾流珠璣輕明疑夜光潔白真
摩尼風吹忽脫串日射俄生輝有時如少靳膚沸却疊疊風色媚一川老
蚌初未知君看一日間巧歷所不賁遊人隨意滿不畀乾沒兒吾謂歷
城繁華富瑰奇貪夫死專利帝意憐其癡故露連城珍可玩不可幾若曰
天壤間所遇皆汝資何必秘篋笥自貽伊瑕疵詩成一大笑臆詭量天機

讀孔北海傳

漢室風流絕建安老瞞父子力排山可憐魯國真男子也着區區七子間

賦侯相公雲溪

相君襟度本汪洋戲鑿陂池便渺茫解起晴雲作霖雨更邀明月貯清光
千重複嶺藏仙境萬斛香泉釀醉鄉畢竟麟符拋不得煙波空效五湖蒼
贈陳司諫正叔

洗兵有志挽天河補袞剛留諫諍坡賦出石腸還婉麗政成鐵面却中和
寒侵桃李淒無色雪壓池塘慘不波急手尊前謀一醉六街塵土泥人多
濟南汎舟水底見山有感而作

洛陽同裕之欽叔賦

南山已在風塵外更恐飛埃泥碧巔一棹晚涼波底看浴沂面目本天然
日上煙花一片紅崧丘西峙洛川東纔聞候騎傳青蓋又見牽羊出絳宮
事去閩河不攬草秋來陵寢但飛蓬書生不柰興亡恨斗酒聊澆磊磊胸

啓母石同裕之賦

千古崩崖一罅開強將神怪附郊禰無情頑石猶胎謗貝錦從爲巷伯哀
贈荅麻信之并序

麻弟避兵渡河徑謁裕之于崧高黃緣一見相與之意甚厚既留數日又

將過吾景玄于女几之陰維元劉國士也而弟游於其間則弟之爲人可
知已臨行復長歌相贈清平豐融蓋他日未易量也愛仰不足詩以送之
五光英靈未陸沉一枝高秀出詞林珪璋自是清朝器律呂偏諧治世音
此去文章足知已後來功用只齋心濟時相約元劉了索我雲山深復深

雪

風定雲仍煖天圍四顧似紛紛俄攬野浩浩欲平溪樵檐歸時重漁舟望
處迷飢鴉空繞樹若箇可安棲

宮鴉

萬樹瓊芳鎖漢宮群鴉容與五雲中曙光先背朝陽日春信頻呼禁籞風
青驢巧梳欣一色秀眉學畫闢新工鳳樓未訝啼聲切愁滿長門信未通

洸石硯

緹囊深複有滄洲丈室春融翠欲流退筆成丘竟何益乘時真欲礪吳鉤

馬上見桃花

九衢鞍馬苦塵腥忽見溪桃倦意醒未必施朱便鹿俗最憐滌露出娉婷
城東詩老圖幽絕水上仙郎記窈冥何似玉堂留故事賣花擔上有丹青

叔獻兄歸隱崧山有詩見及依韻奉寄

幾百千年一敬通飄飄歸袂振孤風平生自處神明在裴俗無從議論公
韶削向來儀彩鳳弋緒何苦慕冥鴻他年杖屨相尋處三十六峯雲霧中

劉御史雲卿挽詞二首

氣幹參天擬萬尋聖門梁棟自堪任豸冠岳岳鋒稜峻鳧鳥翩翩惠愛深
可忍佳城玉埋土豈哀慈幄血露襟傳家賴有雙珠在不爾何如慰士林
少同里閭早知音投分交情雨舊今鄉校聯裾春誦學上庠連榻夜論心
南山松桂愁霜殞北地乾坤恨日侵不得生芻豢莫西風吹淚蒲衣襟

題黃華江阜烟樹二首

疎柳靜茅亭亭下長江路不見亭中人蕭蕭烟景莫

江山萬里眼一亭略約七黃華未死在看取畫中詩

送李執剛致仕歸洛

漕計中興屬老成引年陳請獨崢嶸果能辦此公真勇愛莫留之我愴情
塵空恐驚黃鶴舉烟波不負白鷗盟洛陽去去春如錦晝日神仙看地行

梨花得紅字

雪作肌膚玉作容不將妖艷嫁東風梅魂何物三春在桃臉真成一笑空
雨細無情添寂寞無情亦月明有意助豐融顛態更亦相如病渴妨文賦
想像甘寒結小紅作淚痕

河山形勝圖

高峯巨壑與天連中國關防表裏全北岸塵氛重回首不如圖上看風煙

次裕之韻兼及景玄弟

名腸相熾半成灰戰退紛華飾始迴文字喜逢修月手津梁愧乏濟川材
等閑有酒輒共醉信口俄詩不置才最憶平生劉子駿紫芝可惜不借來

愛詩李道入若愚崧陽歸隱圖

我家崧前九再葺詩僧騷客相追隨春葩繽紛香澗谷夏泉噴薄清心脾
霜林置酒曳錦障雪嶺探梅登玉螭重陽夜宿太平頂天雞夜半鳴喔咿
整冠東望見日出金輪湧海光陸離神州赤縣入指顧風埃未靖空嗷歔
窮探極覽不知老泉石佳處多留題簡書駢出踏朝市期會迫窄愁鞭笞
襟懷塵土少清夢齒頰棘荆真自癡叩門剝啄者誰子道人面有熊豹姿
披圖二室忽當眼貫珠編貝多文辭我離山久詩筆退摹寫豈復能清奇

再三要索不忍拒依依但記經行時道人愛山復愛詩嗜好成癖未易醫
山中詩友莫相厭遠勝薰酣聲利乾沒兒

李右司獻能

獻能字欽叔河中人年二十一以省元賜弟廷試第一人宏詞優等授應
奉翰林文字在翰林凡十年出為鄜州觀察判官用薦者復應奉俄遷修
撰以鎮南軍節度副使充河中經歷正大八年河中陷獨得一船走陝州
被召以道梗不能赴就權陝府行省左右司郎中軍變遇禍欽叔資稟明
敏博聞強記輩流中少見其比為人誠實樂易洞見肺腑世間狡獪變詐
纖悉無不知然着之正道也與人交不立崖岸盃酒相然諾赴難解紛不
自顧藉雖小書生以愛兄之道來亦殷勤接納傾筐倒篋無復餘地時輩
以此歸之家故饒財盡於貞祐之亂京師冷官食貧口眾無以自資大夫
人素豪侈厚於自奉小不如意則有金魚墮地之譴人視之殆不堪其憂
而欽叔處之自若也欽叔文章行業過人處甚多而天下獨以其純孝為
不可及云

贈王飛伯雜言一首

東風吹客衣敗絮逐風飛曉雪沒寒齋無物克朝飢空篋噴噴號飢鼠饕
鼠蠕蠕緣破袴人生豈是大與雞終歲區區守門戶游說萬乘苦不早儀
秦殆是穿窬盜六國印千金直滿眼榮華鏡中老孔子聘列國孟軻游濟
梁能令千載後名與日月光男兒生世不虛生死根身後無聲名不然鳴
玉游紫京不然著書談六經九日可射天可補鞭笞百蠻作降虜離騷一
篇亦不惡雄筆盤盤映千古君不見彩鳳翔丹霄一鳴應九韶寸雲起太
山霖雨滿人間丈夫窮達果在天安用兒女得志相歆羨失志相悲伶仰
天大笑出門去四海今誰魯仲連

夜宿虛皇閣下

倚天青壁截雲霞一水高懸界削瓜不惜於嵒攀石磴要看絢爛圻雲華
玉峯影裏虛皇閣鐵笛聲中祕監家明日川塗入塵土却應平地幾褒斜
玉華谷同希顏裕之分韻得秋字

玉龍落峽噴飛流空翠霏霏晚不收軟脚山堂一壺酒暮涼閑對兩峯秋

四皓圖

弋繒安足致冥鴻自是薰懷翊贊功謾說壺関有遺老望思臺上已秋風

二老雪行圖二首

自笑膠膠擾擾身十年疋馬走紅塵何時雪滿平生屐太華峯前約故人
抱琴衝雪又衝風二老風流阿睹中未似村翁眇抹眼火爐頭上話年豐

別馮駕之

東風弄微寒吹雪作輕陰春歸未得歸愁攬客子心與君俱異縣那復重
分襟感時復恨別老懷苦難任憶昨滎陽會燈火語夜深縱談閒俳語浩
歌雜狂吟相期梁宋游感君肯相尋西園偶差池市樓成孤樹相逢消水
湄暫爾成盍簪燕鴻還別去又復如商參我行落日邊疋馬獨登臨君方
無定在倦翼思茂林人堪幾回別老境各駸駸消水不西流雙魚定沉沉
幸有西飛鴻無吝金玉音

昆陽元夜南寺小集

春臯短短生蘭芽東風嫋嫋吹芳華暗黃着柳小梅素月姪新年恰十五
東皇太一來翩翩竹官神光祀甘泉茂陵弓劍沒秋草鳳燈煌煌空自然
當年曼衍魚龍舞回頭昭陽化飛土昆陽客舍冷于冰破殿蕭條佛燈古
雪消梁苑想春紅車如流水馬游龍銀餅載酒隨春風酒酣一嚼百盃空

韶華過眼弦上箭人生得酒從歡醺北斗闌干夜叅半耿耿疎星淡河漢

追憶潁亭泛舟寄陽翟諸友

十月冬三氣寒清霜頰群木輟舟泛潁水微風吹野服信流不知還石艇橫
老玉苔花錦爛班懸溜珠麗軟頰離塵市雜倒瀉軒裳俗歲月今幾何春
草萋以綠懷歸劇飢渴仰羨雙飛鶴矯首九山雲迢迢傷遠目

郊城秋夜懷李仁卿

日入羣動息暝色陰濛濛故人隔潁水嫋嫋生秋風輕風捲纖雲碧漢磨
青銅坐久襟袖涼皎月升天東伊人如此月霽色羅心骨可望不可親條
已駕飛鴻念此太虛間心交神自通而况千里月相望寧不同孤光透薄
帷儼如接音容翻翻繞枝鶉唧唧侵堦螢上床轉不寐高樓待晨鍾相思
夜何永月落秋床空

題飛伯詩囊飛伯以布為囊采當世名卿詩投其中

穎露毛錐祇自賢智如樗腹但求全迂踈差似淵才富羞澁猶無杜老錢
收拾珠璣三萬斛貯儲風月一千篇嘔心大勝奚奴錦要與風人被管絃

送王飛伯歸陽翟

故舊相望似曉星平生懷抱向君傾朱絲不入箏箏耳彩鳳終儀韶籟聲
三楚迢迢動離思九山落落助高情一屢擬就隆中卧要子同躬壠上耕
西園春日

的皜冰梢出短牆泓澄煖綠靜橫塘娟娟高竹迎人翠嫋嫋長紅隔水香
病起心情踈酒醖朝來風色妬年芳只應歸去芸窗晚夢到湘妃錦瑟傍
榮陽古城登覽寄裕之

突兀高臺上古城登臨人境兩崢嶸關河落日歲云暮草木臨風氣未平
虎擲龍拏王伯事天荒地老古今情一盃欲洗興亡恨為喚窮途阮步兵

從獵口號四首

蓮燭金紗簇簇齊宮槐籠曉尚溼迷景陽鐘罷聽殘漏萬馬銜霜不敢嘶
閶闔傳符啓九關一聲清蹕駐南山虎賁先道三千士天馬初離十二閑
爛爛龍旂捧日旂從臣遙認赭紅衣天王清曉親弧矢初合今冬第一圍
的皜金鏡墮曉星晴天霹靂應弦聲風毛兩血燕雲在未要章間狐兔驚

上清宮梅同座主閑閑公賦

厭佳盧家白玉堂琳宮瀟灑占年芳光生琪樹風霜古影占銀潢月露涼

物外根株本仙種世間紅紫避嚴妝遨頭詞伯今何遜一笑詩成字字香

丹陽觀竹宮中移賜

素士如林侍紫清紫清新許住蓬瀛娟娟粉節霜勻出轟轟煙梢玉削成
福地根莖蒙化育中天雨露惜恩榮綠章封事朝來奏又聽風前彩鳳鳴

王右司渥

渥字仲澤以字行興定二年進士調管州司候不赴壽州防禦使邦獻商
州防禦復國器武勝節度庭玉愛其才連辟三府經歷官在軍中九十年舉
寧陵令未赴丁太夫人憂廬墓三年服除復授寧陵正大七年朝廷與宋
人議和擇可為行人者仲澤以才選九再至揚州制司宋人愛其才有中
州豪士之目使還以寧陵課最遷一官入為尚書省掾三月即授太學助
教充樞密院經歷官八年院廢權右司郎中中年失利不知所終仲澤博
通經史有文采善談論工書法妙于琴事詩其專門之學人物楚楚若素
宦于朝吏事則與異京父相上下其辨博又屏山所許天下談士三人之
一也嘗與予行內鄉止中馬上賦詩云霜風十月餘千山錦崢嶸又九日
登穎亭見寄云茫茫襄城野歲晏多風埃野田半已荒草蟲鳴更哀西風

吹白雲大隗安在哉七聖之所迷而我胡為來我本林野人初無經世材
失身鞍馬間坐令雙鬢摧安得元紫芝共舉重陽杯詩成西北望九山鬱鬱
崔嵬此詩脫遺處不復能記憶讀之尚可以見斯人骨懷之髣髴詩不
才被乘輿為福拙計無營却似高是禿請山可埋骨誰家白
酒不消憂夕陽轉屋目林影急雨樓喧水聲人喜傳之

頽亭

三載西湖阻勝遊頽亭聊喜散羈愁九山西絡煙霞去一水南吞澗壑流
賓主唱酬空翠琰干戈橫絕自滄洲忽忽及馬從軍去慚媿煙波萬里鷗

有寄

十年鐵馬暗京華客子飄零處處家征鴈久疎河朔信小梅重見汝南花
樓樓活計依簷雀冉冉年光赴壑蛇舊雨故人應念我不來聯句夜煎茶

寄京父

憶昔相從在寢丘城南城北縱歡遊杏花聯句香隨馬野水添杯浪拍舟
邂逅又成三月別飄零合負一春愁汝陽淮甸經行徧應有新詩為我留

餐秀軒

秋風幾日搖霜樾秋色南山兩奇絕野人窻戶終日開要看千秋秦嶺雪

層崖深谷相吐吞落日白鹿東南奔野花雙塔古蘭若樓觀縹渺煙霞昏
玉山生玉人不識草木四時空好色輞川舊與藍橋通細水至今流石室
一川黃葉長安秋望望不見令人愁書生不是濟時具收得閑身成此遊
主人開筵留客醉山雨多情濕征袂明朝騎馬上七盤迴首山家但空翠

遊藍田

甲申之秋月建戎我行商顏正落木山英似與行子期撥霧披雲到山腹
古潭千丈照錦峰下有蟄龍上棲鶴高風吹雪已多時熊耳雙尖寒欲縮
新乘一水出龍渦驚見千峯遮木榭南山秀拔北山雄劒戟森然對羣玉
崎嶇直過藍田西始見商山真面目悞真峽口忽中斷天末脩眉畫濃綠
此峽何年得此名曾有金仙構華屋西巖石室懸細水萬斛瓊珠輪軸谷
行人尚說有七盤瘦馬已愁疲百曲風門放眼望秦川擾擾更嗟塵京踞
去年游騎渡葭蘆萬里橫行如鬼速灑陵原下馬飲血太華峰頭虎擇肉
今年九月未防秋始見登場有新穀一鞭暮指古招提疎雨有情留客宿
主人聞客喜相接尊酒笑談如昔夙蹇予嬾散本真性臨水登山此生足
一行作吏志益違十載從軍雙鬢禿官家後日鑄五兵便擬買牛耕白鹿

送裕之還嵩山

高懷不受簿書侵清潁鷗盟欲重尋老去宦情知我薄閑來道念見君深
對床夜雨他年夢蒲馬西風此日心嵩頂勝游誰得共仙聞仙馭待知音
未句用古仙人詩語 古仙人辭今附於此

夢入雲山宮闕幽鸞鸞同侶爲鳳流桂月竟夜光不收世俗擾擾成囂湫
醉飛星馭鞭金虬八仙浪迹追真游龜玉筌蹄二十秋摩霄注壑須人求
覓劍如或笑刻舟陽燧非無角綺儔元鼎以來虛崑丘東井徒勞冠帶修
松食竹飲度屢樓松頂坐嘯垂直鉤猗應慚愧劉幽州知音者無惜留跡
興定庚辰夏六月望予與河南元好問趙郡李獻能同游玉華谷又將歷
崧前諸刹因憇於少姨廟元周行廓廡得古仙人詞於壁間然其首章直
屋漏雨爲所漫剝殆不能辨乃橙木石而上拂拭汗滌迫視者久之始可
完讀觀其體則柏梁事則終始二漢字畫在鍾王之間東井又元鼎所都
幽州必賢宗子虞也夫眷眷不忘幽州者非吾由疇尚誰歟田復所事之
雖却曹瞞之賞裴俗波蕩中挺挺有烈丈夫風氣其死而不亡蓋無疑其
能道此語亦無疑觀者不應以文體古今之變而疑仙語也噫仙山靈岳

宜有闕行博大之真人往來乎其間而世人莫之識也予三人者乃今見之
夫豈偶然哉再拜留跡以附知音者未渾源雷淵題此詩爲仙語無疑然
直謂田疇則似亦未安屏山李純甫題

遊丹霞下院同裕之鼎玉分得留字

霜落豐山白水收歲華全在竹園頭賦詩鞍馬慚真賞載酒林泉阻勝游
野色自隨人意遠夕陽應爲鳥聲留仙源回首旌旗隔一笛西風喚客愁
丹霞下寺土人以竹園頭名之

驛口橋看白蓮

陰陰喬木障晴暉的的冰藻照碧漪秋暑困人仍御扇晚風生竹却添衣
百年蓬躑關心切千里蓴羹與願違杖屨頻來約他日不妨先築釣漁磯

蒙城縣齋

穀雨連朝沒麥場官糧未入長官忙堦庭有雨青鞋開牢戶無人白日長

二門津

層崖摩蒼穹四月號陰風大河三門險神禹萬世功他山亦崔嵬砥柱獨
尊雄雷霆日闕擊悍暴愁天公劉侯智有餘始令舟楫通仍餘石上穴飛

棧曾連空遙瞻白玉枝挺植丹竈中仙公去不返此事真冥蒙夫人與鼓
崖怪幻尤難窮獨喜兵火餘歸然出新宮當時疏鑿盡意四海要會同誰知
千歲後築壘防嘯兇詩成一大笑浩浩洪波東

被檄再至揚州制司驛亭有題詩譏予和事不成者云來往二
年無一事青山也解笑行人因為解嘲

二年奔走道途間知被青山笑往還只向江南南岸老行人應更笑青山
莫都事禹錫


禹錫字京父龍山人崇慶二年進士調沉丘簿與縣令者不相能及令以
贓敗疑京父發之乃賂遺權貴誣京父以賓客依託之事坐廢十年朝臣
薦其才者積數十人終為銓曹所礙居襄邑部使者起之攝旁近諸縣所
至有父母之愛農司治許昌不為主事區處餽餉上下千餘里不露聲跡
而條畫次第皆具雖鱗雜米鹽若不足經意者問之即應如指諸掌一時
吏如康伯祿李欽止諸人多自以為不及也正大中當路諸公極力辨其
被誣乃得以常調守扶風丞召補省掾不就歸德奏充知事及城被攻京
父為經歷官守禦之策一府倚重之車駕至授左右司都事兼應奉翰林

文字官奴之變家人勸京父羸服免禍不從人有自外至者京父問賊入
禁中否曰禁中賊滿矣乃自投水中在京師時希顏仲澤欽叔京父相得
甚歡外堂拜親有昆弟之義而不肖徒以文字之故得幸諸公間希長子
六歲澤長四歲欽與京少子三歲希殺於正久辛卯之八月年四十八澤
歿于明年之七月年四十七欽歿于其年十一月年四十一歲京歿于又
明年之三月年四十一歲蓋不三二年而五人者唯不肖在耳今日錄諸君
子詩感念平昔不覺流涕之被面也

僧房

上方樓觀袂衣寒霜後川原眼界寬我是禪房未歸客阿師休作長官看
贈雷御史兼及松庵馮丈

平生疾惡如風手力振臺綱事所難人道千鈞羞射鼠我怜衆啗解漂山
明時士論知無負晚歲交盟豈易寒見說蒿前茹芝老白雲倚杖待君還



中州庚集第七

蘭泉先生張建 三首

張瓚一首

毛宮教麾七首

朱宮教灑 三首

姑汾漫士王珠 六首

呂中孚九首

王元節 三首

李端甫一首

楊澤州庭秀 二首

孫省元鎮 一首

張著 二首

景覃一首

段繼昌 五首

岳行甫 二首

迂齋先生周馳 二首

劉太常鐸 七首

李扶風節 二首

劉勳 二十三首

李解 四首

秦略 十三首

張琚 二首

馬編修天來 一首

張內翰本 二十首

申編修萬全 一首

崔遵 三首

王主簿革 一首

衛承慶 一首

劉昂霄 二十四首

田紫芝 三首

王萬鍾 三首

雷瑄 二十九首

王亳州賓 三首

李夷 三首

郭邦彥 六首

史學 八首

侯冊 五首

王元粹 三十三首

王鬱 十二首

蘭泉先生張建

建字吉甫蒲城人明昌初舉才行授絳州教官召爲宮教應奉翰林文字以老乞身道陵愛其淳素不欲令去左右眷眷久之超同知華州防禦使事仍賜詩有從今畫錦蓮峯下三樂休誇榮啓期之句士林榮之吉甫自號蘭泉老人有集行於世其論詩云作詩不論長篇短韻須要詞理具足不欠不餘如荷上洒水散爲露珠大者如豆小者如粟細者如塵一一看之無不圓成始爲盡善吉甫詩雖不能盡如所言然亦未爲無所得也

擬古十首

飛雲何冉冉高與日月齊中有兩仙人盛服持玉圭我欲從之游天險不可躋邈焉望不及短日西山西

客從岳頂來貽我松粉黃爲書服之久身輕欲飛翔我嘗淡無味我嗅寂無香還君三太息世好方膏梁

枯桑依頽垣摧折生理微剝我枝間葉備君身上衣葉盡誰復顧棲鳥來亦稀君看牡丹藂日日笙歌圍

青青河濱柳柯葉柔且妍一從智巧萌戕賊爲桎梏器成豈不佳天質失

自然爭如河堤上濯濯披春煙

石泉何清冷中有九節蒲蒲性本孤潔不受滓穢汙一移入城市生意寄泥淤翠葉日焦卷不霜而自枯寄言守靜者勿涉奔競途

庭前蘭蕙窠三年種不成門外旱蕨藜一旦還自生弟恐傷我足鋤去根與萌如何一雨後走蔓復縱橫

有客曳長裾袖刺謁高閣低頭拜聞者始得通姓名主人果厚眷開宴海陸并顧必丞彼頰語必順彼情不如茅簷下飽我藜藿羹

拳拳嶧山桐一樹十二枝枝分十二律所指各不移胡爲師襄子獨謂東南奇一律不可闕一枝不可遺誰能以此意說似曲樂瘳

美人何熒熒頰若茗之英絕世而獨立一顧傾人城三星正當戶俟我亦在庭之子無良媒不敢犯露行

丘中有一士顏白清且癯縕袍僅蔽體蔬飯不滿盂時出蓬蓽門鼓腹歌黃虞不知何所得矯首望八區

山中

林櫻墮紅珠打着琴上絃山人時一笑愛此聲琅然

韓信廟

一檄風馳萬壘降當時意趣已難量既能歸漢識真主何必下齊求假王
將幄深嚴巖樹碧門旌搖曳嶺雲黃我詩責備春秋法勝把君侯美處揚

送張子玉

渭水玻璃碧秦山劒戟明秋光如我瘦行色與君清蟬嘒西風柳鴉翻落日城歸舟幸無物且莫苦貪程

梨花

蠹樹枝高茁朶稠嫩苞開破雪揉碎粘粉紫躡齊吐潤卷丹黃葉半抽月影曉窻留好夢雨聲深院鎖清愁瓊胞已實香猶在散入長安賣酒樓
長安酒家有梨花樓

荅華陰宋先覺

雲臺清集憶當年詩筆逢君厭老拳後會邈如千里遠壯懷不似十年前
風帘搖曳橋南酒煙樹溼濛濛渭北天咫尺靈山飛不到夢魂長遠玉峰蓮

送賀彥淳還南郊

玉峰明滅暮雲邊默計歸程約半千襁負尚怜靈照幻家貧賴有孟光賢

臨歧淚眼三年別夾路風槐六月天佇立望君西去遠夕陽村落起孤煙

山村風雨圖

雨昏山店望未見風緊傘簷張不開莫訝披圖便成句為曾行到此中來

吉甫又嘗有詩云風卷早塵攪馬過雲移涼影越入行其寫目前之景甚與山村風雨詩相侔今附于此

賦胡直之溪橋蓮塘二首

漁父詞體

溪橋脚下水平分橋柱萍粘浪打痕天向晚日攬昏兩簇青煙斷岸村
拂拂輕風漾翠瀾粉煤新撲小荷盤塘水漲岸痕漫草閣臨流五月寒

雜詩二首

瓦餅擔山泉石鼎煮巖菊燻以松桂枝清芬滿茅屋
踏雪尋梅花雪梅同一色不是暗香來梅花尋不得

俊師定庵

渟泓石上泉照我良是我輕風蕩激真態互欺欺乃知未慧性非戒定
未可道人此名庵千劫付一坐海月自澄明天花任飛妥吾生劇萍梗萬
里信漂隨湛然摩尼珠坐受昏塵裏何時陪遠公同社事香火

送王主簿還鄉

笑君習氣只書生薄有歸裝亦自清瘦僕擔詩雙籠重羸牛引輓一車輕
長亭已過那知遠別酒猶多未忍傾記取明年斷腸處玉梨花底月三更

張瓚

瓚字器之河中人才氣超邁時輩少見其比年未二十以鄉試魁陝西河
東不幸早世張吉甫弔之云惜哉器之真丈夫少年讀徧天下書一事不
成死於途苗而不秀有矣夫秀而不實有矣夫其為名流所嗟惜如此

游棲巖寺

林表招人白塔明竹間蘭並石泉清惠崇水墨西軒景煙帶平蕪水帶城

毛宮教麾

麾字牧遠平陽人大定十六年舉學行特賜進士出身授校書郎入教宮
掖歷太常博士終于同知沁州軍州事有平水集行于世

無題一首

小艇對起石州山楊柳分青入碧艤生識春風眼如鶻為誰無語獨憑欄

游河西孫氏園

亭榭依山水亂鳴已如鼗畫障中行照溪芳樹紅雲合迎客幽禽翠羽輕

豪氣未饒金谷友醉魂如到錦宮城猶慙歸騎忽忽去不得持盃待月明

魏城馬南瑞以異香見貽且索詩為賦二首

梅心蘭甲類元同氣壓荀家百和功借潤更煩纖手玉出雲初試博山銅
崇朝日下亭亭蓋正月花開細細風我有因緣在香火鼻端消息為君通
二卉真香豈復加便宜編譜入雄誇留殘一點薔薇水幻出諸天薔蔔花
佩帶正垂金鈿小薰爐狎起翠雲斜金籠甲帳豪華事慚愧桑樞甕牖家

新春雪與韓府推

春到千門氣自嘉更教飛雪助年華六街官柳枝枝絮一夜江梅樹樹花
况是縱吟多伴侶直須爛醉作生涯掃庭迎客東風裏幕府風流有故家
和思達兄杏花

碎剪明霞役化工曉園香散暖煙中羞逢柳眼三眠白分得桃腮一笑紅

上苑繁華迷故國曲江顛顛老春風欲傳此恨花無語強對芳時作醉翁

春賞

潤入梅天雨乍晴喚回春意有新鶯雲霞照眼青山近羅綺吹香白晝明
翠勺銀罌沽酒市暖風邊日賣花聲人人共喜華胥世何用遨頭羨錦城

朱宮教灑

灑字巨觀霖堂先生之子學問該洽能世其家大定二十八年進士時年已六十意氣不少表歷諸王文學應奉翰林文字終於待制党趙推挽之力為多以嘗入教宮掖故集中多宮詞

寒食不出

地偏無客過吾廬寒食清明入燕居驢子捧甌仍臆茗孟光舉按只春蔬蠅沾香篆渾傷字蜂覺餅花半墮書習氣未除還自笑却將佳節付三餘

黃筌雀蝶

飢雀喧爭蛺蝶孤錦宮城闕見丘墟老筌妙意誰知解丹粉圍中有諫書

宮詞

太一芙蓉上下天秋波瀟瀟白生煙採蓮宮女分花了笑把蘭篙學刺船

姑汾漫士王琢

琢字器之平陽人與毛牧達同時相友善天性孝友為鄉里所稱酷嗜讀書往往手自抄寫家素貧乏而能以剛介自持未嘗有所丐貸時命不偶年四十五以病卒士論惜之有姑汾漫士集行于世所著中聖人賦今世

少有能到者詩好押強韻務以馳騁為工七月十五夜看月云歷樹有鶯鶯悄鄰無吠鹿對雨云春雨薄如夢曉雲閑似愁秋霖云窻寒知氣重人靜覺泥深驟雨云電點撒冰彈電光飛火繩春陰云庭澹梨花月樓寒燕子風久雨云練挂遮簷直麻懸到地齊此類甚多

元夜雪

寶燈樓閣澹連雲轉眄俄驚糝玉塵遊伎行歌俱失意蔬畦麥壟自知春良宵不肯平平過造物應誇着着新獨有中天端正月一樽梅影屬閑人

和張仲宗雪詩不用體物諸字

天人應卜歲出此當佳占舞巧穿幽隙堆寒壓短簷閑門誰擁篲醉館自開簾比與非無物詩人正避嫌

同漕使趙中憲對雪

投隙穿窻苦見侵向無湘耐若為禁花多不入買家眼歲好方知造物心躍馬共思追兔跡抱戈誰與置羊斟新詩與雪爭奇峭擁褐空齋得細吟

癸酉歲大熱

落花似勝前詩恨終篇不能完好耳

似動不動雲蒸空欲雨未雨天無風時時日脚蹴雲破一射萬土紅爐中
織絳挂體劇重鎧大屋僅可爲樊籠積冰爲丘坐自潰輕策况得微涼通
山林亦聞有暍死城市偏則宜無容吾生於熱亦屢度此熱盡可并前鎔
雖然一氣播常令頓作駭異疑非公曾聞天南有祝融出入毒霧騎雙龍
自從鼎去昧神怪無乃煽處行心曾手搖斗柄酌炎海力逐燠怒棄離宮
喜爲鬱蒸怒爲火流爍金石乾河洪熾昌自欲弄朱夏驕寒未肯官炎農
霞煙灼灼燥昏曉鳥獸喘喘茫西東此而不制蒲三伏遂恐百物隨枯蓬
太白之兵攢萬鋒銀河之浪滔無窮可洗虐焰夷姦凶我欲呼慙煩神功
耿耿九虎天關重

辛未九月二十一日雪

幾日西郊霧連宵北牖風荊花猶浮酒雪片忽填空草樹秋容失河關曉
氣濛聽初疑落葉仰不辨高鴻爛熳三冬意憑凌百圃功披裘赴雞黍掃
徑惜籬藜豈料玄英巧來爭白帝雄剪我渾草草飛舞太忽忽祗作干時
令非閔北歲豐冬雷怪相似春雷冷應同安得蛟龍蟄何由翳靄通日華
外赤壁天色湛青銅尚有登臨興寧無賦詠工煙霞狂醉嘯一發醉顏紅

雨夕感寓

漠漠初燈後森森細點飄繁聲入遙夜冷簟恍秋宵起欲吟相和吁無容
可招何曾洗兵馬但覺漏新蕙雷電初無預炎蒸遂不驕瀉簷鏘未歇敢
枕兀無聊澗已山輪潦堪應水沒橋長林倦今夕孤鳥撼驚條似我纏憂
戚因貧墮志寂寥避人猶勉錫擇宿等鷄鷄共世難曹禰無才匹管蕭苦心
還自笑末俗本多鄙業老愁摧鬢長飢帶臙腰壯寒少陵被飲陋子淵瓢
射策初游漢潛山敢傲堯監車竟垂耳風鷁忌干霄一室元空掃千鍾豈
易要芳蘭逼憔悴尺鷁失道遙字對諸生識詩煩衆手凋搜求勞腎胃憂
擊謝咸韶舊弄新絃掩窮途拙自搔爭爲壯夫篆只使古風澆血指甘時
巧包羞愴道消優游能卒歲三四儘論朝故慢幽霖透長檠暗燼挑不辭
墻出菌儻見穀抽苗饜飶貪夫腹翻騰樂歲謠晴樓交燕雀涼樹沸蟬蛩
坐使虹蜺出憂無萍梗漂浩歌彌激烈興在海門朝

呂中孚

中孚字信臣異州南宮人孝友純至迄今爲鄉人所稱累舉不第以詩文
自娛有清漳集行于世其賦紅葉云張園多古木蕭寺半斜陽先君子甚

愛之

小景

青蕪平野四圍山山郭依依紫翠間村遠路長人去少一竿斜日酒旗閑

春月

柳塘漠漠暗啼鴉一鏡晴飛玉有華好是夜闌人不寐半庭寒影在梨花

水聲

長陂千頃碧淙淙浪卷秋風過石砭記得夜來愁聽處一燈明滅照寒窻

雪

隨風拂拂玉花飄入夜寒慙更寂寥爐火已殘燈未燼一簾疎竹白蕭蕭

送李嘉甫信都令耘甫之弟

溪水碧於草溪邊送客行寫詩傳別意把酒聽歌聲去路青天遠歸心白

羽輕尊前折楊柳一一是離情

寫懷

秦川西去遠不意過漳川歸夢三千里羈愁二十年謀生空白髮行路若

青天餘事休相問相留只醉眠

梨花

等待清明得得芳團枝晴雪煖生香洗粧自有風流態却笑紅深睡海棠

集句

騷人吟罷起鄉愁百感中來不自由一種人間太平日滿衣塵土避公侯

柳

風外絲絲裊綠煙輕花初破不成綿却嫌官路逢寒食惱亂離愁似去年

王元節

元節字子元弘州人祖山甫遼戶部侍郎父誦海陵朝左司員外郎子元

婿於南山翁傳其賦學弟進士雅尚氣節不能從俗俯仰故仕不達既罷

密州觀察判官即閑居鄉里以詩酒自娛號遜齋老人年五十餘卒弟元

德亦弟進士有能名於時終於南京路提刑使

青塚

環珮魂歸青塚月琵琶聲斷黑山秋漢家多少征西將泉下相逢也合羞

與党世傑軍判丁亭會飲

望斷西州萬里家又將新火試新茶青油幕下成何事兩見常山山杏花

古鎮道中

秀拔諸峯鎮海墩海水氣兩昏昏鷗飛翠竹白沙地人宿黃魚紫蠓村
向背雲山行處路淺深潮浦漲來痕同游幸有能詩客不倦躋攀到石門

李端甫

端甫字濟夫同州人弟進士及王勃恕仕為平定州軍事判官工于詩有
虎迹未乾溪水近樵聲相荅嶺雲深之句子實字師白死于壬辰之亂

太白扇頭

巖冰澗雪謫仙才碧海騎鯨望不回今日霜紈見遺像飄然疑自月中來

楊澤州庭秀

庭秀字德懋華州人大定中進士學詩於蘭泉張吉甫有渴心曉夢江湖
闊醉眼春風草木低之句泰和三年刺澤州致仕後閑居鄉里坐為楊珪
註誤被法士論冤惜之

成臯道中

瘦馬成臯道阻長崢嶸冰雪老年光九閔欲上虎豹怒三逕未歸松菊荒
崧少雲煙聊駐馬漢唐宮殿兩亡羊鄭南嶺下梅花發千里相思空斷腸

本簡之蓮池集句

一月衰顏幾笑開生前相遇且銜杯蓮塘十里花如錦有底忙時不肯來

孫省元鎮

鎮字安常絳州人高才博學嘗中省試魁承安二年五赴廷試賜弟以陝
令致仕年八十四卒有注東坡樂府歷代登科記行於世弟寧州刺史錡
字安世潘原令鉉字安道同榜擢弟鄉人榮之號三桂孫氏安常孫說思
美軍府參佐安世孫處謙志全安道孫蔚今俱在

許氏雙桂堂

許家二桂聯翩秀孫氏三枝次第春盛事若將相比竝輸君堂上拜雙親

張著

著字仲揚永安人泰和五年以詩名召見應制稱旨特恩授監御府書畫

九日

雨沐天容霽欲流好山誇翠出墻頭黃花憔悴東籬晚一段陶家冷淡秋

雨後

西風無意繆織雲掃盡千峯雨脚痕一片秋光清似水家家空翠蒲柴門

景覃

覃字伯仁華陰人年十八有賦聲大定初三赴簾試後以病不就舉博極群書有舉問者立誦數百言不休又從而講說之為人誠實樂易不修威儀隱居西陽里以種樹爲業落托嗜酒醉則浩歌日以爲常作詩有功樂府亦可傳予同年進士王元禮嘗從之學說伯仁老不廢書有勸以養目力者曰我輩非讀書則無所用心要當死而後已耳晚年於易有所得年七十終于家自號渭濱野叟有集傳關中

感事

蘭芳切禁當門種李苦何傷並道生自古英雄足猜忌莫教身外有浮名

段繼昌

繼昌字子新白水人自號適安居士喜作詩與華陰景伯仁相友善家甚貧而世間事皆不以挂口有以錢遺之者必盡送酒家名酒曰黃嬌蓋關中人謂兒女爲阿嬌子新以酒比之故云一日夫苦寒人有遺之酒者飲不盡而醉夜半忽驚起以衣衾覆酒缸僵卧榻上人爲言酒自不冰先生將不爲寒所病乎子新笑曰人病尚可酒病不可療也其好飲如此臨終

辭鄉里託以他適明日卧于党氏園亭大石上視之已逝矣伯仁吊之云適安居士舊知聞廓達靈根厭世紛辭罷親朋便歸去一籌今日又輸君

梨花

一林輕素媚春光透骨濃薰香消得本真吹玉笛小庭人散月如霜

一溪

一溪流水走青蛇春在江邊漁父家竹外寒梅看欲盡清香移入小桃花

春早二首

魚兒水泛鴨頭綠野馬塵飛羊角風西崦山家籬落背杏梢初見一分紅
斷冰銷盡荻芽尖凍壠蘇來白蕪添幾片野雲飛不去晚風吹作雨纖纖

讀紀信傳

鹿走中原兩虎爭滎陽圍解事堪驚當時拔劍論功者矢口何人說紀生

岳行甫

行甫字仁老鄜州洛川人在關中最有詩名泰和初有以仁老時病詩達之道陵者道陵大加賞異授以官不就士論高之舊所傳沾泥柳絮燕銜去鎖月梨花鷺喚開本前人詩又苦無佳致世俗識真者少悞謂仁老所

作乃閔傳之曾見仁老詩百餘篇佳句甚多續當就秦中好事家搜訪之

謝人惠二小漆冠

規制新翻出杜郎最宜閨子夜燒香不爭寶髻裁宮樣自與霓裳配道裝
細攏翠鬢雲易滿淺銜牙櫛月難藏水衡雙寄非無意要買楊枝惱孟光

立春日

銀線青絲翠椀堆爭牛擊鼓欲驚雷翻風聞巧春頭勝漉雪浮香臘尾盃
迎煖梢梢金著柳逗寒葉葉粉飄梅不成一事人空老半百光陰又七迴

迂齋先生周馳

馳字仲才濟南人經學出於醇德先生王廣道賦學出於泰山李時亨至
於党趙又其忘年友也資性古雅而以襟量見稱大定中住太學屢以策
論魁天下私試亦頻中監元家素饒財鄉人強以子弟從之學所得束脩
皆散諸生之貧者貞祐之兵濟南陷不肯降携二孫赴井死鄉人葬之宅
後之壽樂堂遼東人吳子英嘗從仲才學能記其所著亞父撞玉斗賦及
他文數篇

箸詩章廟御題限紅字韻

矢束形何短籌分色盡紅駢頭斯効力失偶竟何功比數槃孟側經營指
掌中蒸豚挑項鬻湯餅拌油葱正使遭讒口何嘗廢直躬上前如許借猶
足沃淵衷

甄子私益反支起也

勿以微才棄安危任不輕誰怜一片小能使四方平几按由吾正槃孟免
爾傾何當遇夷坦沉默更何營此詩耳仲澤所傳或以為仲澤作也以
其與周才仲詩意相近姑附於此以俟更攷

劉太常鐸

鐸字文仲冀州襄強人承安五年進士元光二年入為太常博士正大初
改兵部員外郎以武昌軍節度副使致仕癸巳歲病歿于京師自號柳溪
先生有集傳于家武成王著作序言文仲生未能言已識百餘字及授學
穎悟過人為入誠實少許可不徇流俗不慕榮利蓋實錄云子敏中字庭
幹亦學詩今居洛中

三陽述懷

蟻穴吾猶夢蝸廬此僅容一川青靄合半嶺白雲封地僻宜藏拙閑官足

養慵只慚無補報潦倒不歸農

即事亦在三陽時作

地與中州迴民餘上古淳峽長深東渭路險曲通秦煙柳千家曉風花百里春一官如自擇閑處着閑身

澠池驛舍用范極之郎中韻

慣從鞍馬作生涯宿處依依認是家爐火相看衣袖煖盤食未辦驛厨譁淹留歲月頭如雪白沒風塵眼更花永夜如何得消遣新詩吟罷自煎茶

春日

翠微深處幾人家風颺輕煙雨壓沙寒勒野桃開較晚向陽才有兩三花

所見

輪竿老子綠蓑衣細雨斜風一釣磯正是隣家社醅熟柳條穿得錦鱗歸

讀李訓鄭注傳二首

誰教閭宦作權臣肅代優游到敬文三子謀疎誰不道泄機也合罪劉蕡
某賢入侍李防猜偶失機權亦可哀陳實至今佳傳在莫從成敗論人材

李扶風節

節字正臣涇州人呂造榜進士以詩名關中資性滑稽談笑有味而臨事以幹苟稱歷威戎扶風令初名守節哀宗即位去守字哀宗知其名謂侍臣言吾不欲人避上一字李守節何故避之良久曰臣子敬君避之亦可正臣有詩云梧桐打出和糴米丁口簽來自願軍讀之則時政可見矣

漁父

舉世從誰話獨醒短蓑輕藕寄餘生半篙春水世塵遠一笛晚風山雨晴稚乳蒲船生事簡魚蝦到市利源輕旁人莫怪機心少曾與滄洲白鳥明

有感

亂離何事最堪傷孝子陵前段氏莊鑄鐵作門貽鬼笑堆金齊斗買天亡春風草蒲藏書壁落日孤鳴打麥場惆悵賢郎一丘土過車腸痛獨難忘

劉勳

勳字少宣本出洛陽元魏遷洛陽二十萬家實雲中故其父祖而上為雲中人至少宣客居濟南樂其風土遂占籍焉少日住太學與兄譙庭老俱有聲場屋間南渡後專於詩學往往為人所傳其先世本衣冠家風流縕藉都無科舉氣見于文字者亦然嘗有詩云萬里風沙冷病客幾年刁斗

厭寒更人憐直道違時好自喜閑身與世疎擊筑漫流燕客淚佩蘭誰識
楚臣心濟南云午風襟袖知秋早甲夜闌干得月多又云舩行着色屏風
裏人在回文錦字中百和香薰風過颭萬盤珠落雨來時此類甚多少宣
長於尺牘落筆皆有可觀其樂府如暮鴉庭院春陰淡之句尤可喜也

讀張仲揚詩因題其上

布衣一日見明君俄有詩名四海聞楓落吳江真好句不須多示鄭參軍

偶作

將軍馬躍五柵鼓客子車行三唱雞白髮書生無伎倆蒲窓紅日醉如泥

杜善甫乞炭

筆口酸嘶解說窮寒爐隨手變春紅因君大笑涪翁拙費盡奇香得馬通

呈呂陳州唐卿

警汝何煩鼓夜柵麗譙清畫卷高牙春回和氣一千里雪與豐年十萬家
逋賦稍寬新得帖軍書不至早休衙新年載酒須行樂次第東風遶郡花

秋涼

桃笙乘勢獻微涼紈扇無功送暑光老病不嫌風露冷莫教添作鬢邊霜

愛詩李道人崧陽歸隱圖

脫却儒冠已自閑更令家事勿相關百錢便掛青藜杖不看先生紙上山

元夜陰晦

逐逐雕鞍趁畫輪年芳樂事一番新芙蓉城煖東風夜楊柳樓深笑語春
兩鬢愁添新白雪十年夢到軟紅塵空庭不見梅花月寂寞春陰最惱人

傷曹吉甫之死

官職雖低首不低爭教有志竟空賈向人指畫將何語臥筆糊塗不解題
小女繞床猶戲劇老兵伏地亦悲啼春風繫馬庭前樹只想東齋醉似泥

同趙宜之賦梨花月

雪樹生香淡月邊相媒相合闔清妍空庭冷落秋千影虛度良宵亦可憐

不寐

酪奴作祟攬秋眠追咎前非四十年一夜蟲聲相計會併催白髮到愁邊

戲鄭秀才

張老豆新頻見餉鄭家米數金不須賒客來粥熟吾能辦要與齊奴聞咄嗟

春日

粉蝶耽香夢正迷黃蜂和蜜計何癡小軒無事誰如我臥看楊花點硯池

荅仲和

此身安處苦難尋常羨歸鴉易滿林望遠真成廣武嘆得詩空作洛生吟
逢人放適村村酒感物悲哀歲歲心想得濟南花正好抱城春水一篙深

李解

解字公渡相人少從王內翰子端學詩能行書工畫山水就所長論之詩
為長性寬緩笑談有味居京師十五年日遊貴人之門所至以上客延之
善處世不為人所忌疾雅有前輩典刑累舉不弟年六十餘卒於通許陳
留之間

漫書

曾懷平日窻八達伎倆只今龜六藏唯有閑情如老菊寒華自信晚能香

二老雪行圖

雪明萬仞藪西山杖屨平生幾往還蒲眼京塵空對畫何時真似兩翁閑

秘書張監墨梅圖 張南人

眼中只有梅千樹不挂世間蜂蝶花十載江南春夢斷至今清影在君家

燈下梅影

丁年夜坐眼如魚老矣而今不讀書牆角短檠還有用瓦餅相對一枝踈

秦略

略字簡夫陵川人父事軻有詩名工作大字簡夫少舉進士不中即以詩
為業詩尚雕刻而不欲見斧鑿痕故頗有自得之趣悼亡一詩高出時輩
殆荆公所謂看似尋常最奇崛成如容易却艱難者耶年六十七卒臨終
留詩云軀殼羈栖宅兒孫邂逅恩雲山最佳處隨意着詩魂簡夫自號西
溪老人有集行于世子彥容為黃冠師今在平陽

拳秀峯

平滑石之俗其俗資磨礪磊醜石之秀其秀在醜中正如古丈夫兒寢氣
質雄又如聖人心孔竅虛明通大都一拳許含蓄華與嵩大巧本若拙足
見造化功好處元更多摹寫不易工君其善調護抵擊防兒童

雪行

疋馬東來冰雪天蒼山手冷墮吟鞭煙中騎歸聞雞犬不覺人家到眼前

鳥影過寒塘

着眼分明莫作疑從來形影本同歸不應水底青天上更有飛禽仰面飛

悼亡

自古生離足感傷爭教死別便相忘荒坡何處墳三尺老眼他鄉淚數行
多事春風吹夢散無情寒月照更長還家恰是新寒節忍見堂空帝挂墻

元日

新曆從頭數殘冬與我違不知垂老至但覺拜人稀汲水泥融井看書爨
入幃淺情墻外柳新綠已依依

贈趙宜之

年時見君行路難喜於長安新得官日來見君鄰婦哭驚似藍田尋得玉
愛官愛玉樂有涯愛君之詩無盡期古人骨冷不復作主張騷雅非君誰

白髮

臨水時自照照我須與眉須眉何所似恰似純白絲從茲一白後寧有再
黑時譬如花落地不復還故枝殷勤語須眉聽我自解詩幼小癡讀書既
壯多憂思自苦有冰蘖自潤無膏脂勞生到今日汝白將何辭

同希頰裕之賦樂真竹拂子

覓箇龜毛抵死難直教擊碎釣魚竿世人不用生分別信手拈來總一般

少室山卓劍峯

神威洗盡世間讎電歇雷閑怒氣收一柄太阿留少室却擎空掌華山頭

此身

此身日日一簞貧負裏留殘自在身獨把筇枝行又立東風花柳不嗔人

穀靡靡上黨公府作

穀靡靡青割將來強半批急忙春米送官倉只恐秋風馬塵起官倉遠在
蕎麥山南梯直上青雲間梯危一上八九里之字百折縈迴環憑誰說向
監倉使斛面莫教高一指請君沁路看擔夫汗顆多於所擔米

麝香

山麝逃風遠谷藏一山行過四山香齋堂自養千鈞弩枉怨虞人鼻孔長

趙洛道中

柔青初散壠頭桑村落人家布穀忙一段蕪菁渾着角葉間猶有幾花黃

張琚

琚字子玉河中人父鉉字鼎臣大定中弟進士仕至同知定國節度使事

子玉刻意於詩五言其所長也如初至華下云老雨梧桐夜孤燈蟋蟀秋
客同州云秋風留客館夜雨借僧氈詩人喜稱道之至有張五字之目集
號章齋

移河中

耕戰連年廢吾知有此行條山猶在眼渭水若為情飽肉豺狼喜傾巢燕
雀驚西樓今夜月愁絕是空城

秋夜

人與年華老愁兼節物雙高風梧墮砌久雨竹侵窓客簟悲秋臥僧鍾數
夜撞更堪衰鬢影蕭颯照寒缸

馬編修天來

天來字雲章人止謂之元章介休人黃裳牋經義進士博學多技能畫入
神品百年以來無出其右者屏山常言天下辯士有三王仲澤馬元章純
甫其一也元章住太學十九年貧苦之極人所不能堪然其談笑自若也
大安初調潁州司候靈壁簿召為國史院編修官正大九年病歿於京師
年六十一劉紹宣有贈詩云波瀾口頰談玄駮土木形骸與世違疇昔麻

鞋見天子只今道服勝朝衣蓋實錄也元章多作詩欲別出盧仝馬異之
外又多用俳體作譏刺語如云木偶衣冠休嚇我瓦伶口頰欲謾誰嚙骨
取肥屠肆狗哺糟得醉酒家猶如此之類不得不謂之乏中和之氣至其
賦丹霞下寺竹云人天解種不秋草欲界獨為無色花雪云夜來窓外渾疑
月今日墻頭不見山末云先生睡起騎驢看太素一游非世間龍門云白
含雲竇雪青補石門天則知詩者亦當以功揜過耳

山中

青林寂寂鳥閑閑畫出風煙落照間脫却草鞋臨水坐野雲分我一邊閑

張內翰本

本字敏之觀津人貞祐二年進士工於大篆及八分四十歲後學詩詩殊
有古意正大九年以翰林學士從曹王出質客居燕京長春宮將十年後
游濟南病卒

得王子正書

晨鵲何處來飛鳴向前除故人在天涯遺我尺素書為言長相思夢寐同
所居所居亦靡他上論揖讓初覺來獨愴然淡月留太虛蹇予臨末路世

味皆泊如一學未敢輟尚念客氣鉅切磋與琢磨政恐朋友疎自從吾子
東門之長者車發揮天人奧大辯執起子丹陽何高明吾子昔所廬南軒
拂翠筠此潭照紅藻蝗害非不虐子食豈無餘灤江固自佳何堪曳長裾
春風旦夕至歸哉莫踟躕

寄弟

離離丘壠田鬱鬱霜露思相隔二十年旦莫一何悲中途涉萬里天幸復
來歸燕安此懷居愧彼神與祇叔兮孝且友見義能不疑上念先塋孤亦
閔乃兄癡護喪營大葬勤苦我所知昨朝尺書來毅勤咸及茲燈下展轉
讀涕淚沾裳衣父耐失臨穴子焉庸我為我非羽毛寄飽食冥然飛田居
有素懷行當事舍菑與子奉遺祀沒身以為期

梁都運斗南新居落成

購材燕市中作室何翹翹老手為拮据百日不敢驕室成僅容膝勃谿益
無聊云胡寫子懷惟是風雨宵先生名大夫黼衣華四朝楓堂接桂室燕
處俱逍遙新築誠瓊宇貧飲稱一瓢居之不自陋無乃壯志消孰知君子
心一念恒萬朝滔滔寧我盈凜凜不吾凋處樂及處約所以長踴躍里社

來落成賤子亦見招槃飧無兼味至樂等聞韶我獨何人斯未惟德音昭
日居及月諸維此心搖搖

中秋雨夕呈君美

怪得秋雲不肯晴天公為惜此杯傾無邊清景闕人意多事西風送雨聲
掛樹婆娑幸勝賞桐枝點滴厭厭殘更毅勤朝鏡休重攬白髮星星又幾莖

九日月中對菊同禧伯即中賦六首

花上清光花下陰素娥惜此萬黃金一杯寒露三更後誰信幽人更苦心
九日餘香伴月明一觴亦足暢幽情青樓夜半琵琶語不說人間有此清
子山牢落去江南賦主悲哀尚不堪只恐秋天聞亦苦併催紅雨下霜巖
庾信哀江南賦唯以悲哀為主

病魂招得未渾全瞑倚秋屏豈是禪一夢忽成霜蝶去草深三迳若為眠
鬼化斯文念賈生精神瑠玖坐寒更一書草就渾衣卧恨煞東方不肯明
龍山戲馬賞秋光多少新詩入錦囊磨滅英雄豈勝數千年依舊一花香

申編修萬全

萬全字百勝高平人兄無夷字百福崇慶二年進士百勝少有聲太學中

貞祐二年乙科調福昌簿不赴隱居盧氏山中以讀書為業作詩有靜功
然不多見也正大中召為史館編修從行省慶山南征道中有詩云回首
秋風謝敞廬崎嶇又復逐戎車人生行止元無定一葦江湖縱所如不數
日溺水死人以為識云

病中遣懷

浪走天涯歲月侵病中猶作越人吟野麋本自便豐草倦鳥寧當忘故林
畫像功名元有命乞墦富貴果何心幾時真脫塵囂累巖穴尋居不厭深

和陳舜俞詩

閨裏那容更刺頭石田茅屋喚歸休杜門便與詩書老過隙從教歲月流
槩木見容良自媿錯刀相贈若為酬酌君安得如川酒醉眼蚍蜉萬戶侯

崔遵

遵字懷祖北燕人父建昌字曼卿大定二十五年進士仕至同知武安軍
節度使事懷祖事繼母孝與人交有終始遵重少語未嘗及人短長少日
在大學有賦聲南渡後不就舉選居崧山二十年課僮僕治生生理亦粗
給前輩如趙吏部子文張左丞信甫馮亳州叔獻或懷祖丈人行皆與之

詩酒相往來懷祖喜賓客有蘊藉從容文雅使人久與之處而不厭也嘗
有宿少林詩云青山已有十年舊小雪又為三日留其他往往稱是

送裕之官鄧下兼簡仲澤

青燈別酒夜沉沉夕負相思自不任閑裏更誰留我醉興來無復伴君吟
一枝仙桂知難擬千頃黃陂未厭深為向荊州王粲道安排佳境約相尋

和裕之二首

行李西來便得君相從回首七經春君方備悉原思病我亦私憐仲父貧
底事却成今日別枯腸難着此愁新為着火色真將驗馬虎何勞更問辛
不幸還能作幸民十年同醉潁川春酒船載我雖堪老仕路有時或為貧
少室山人三日惡夷門紙價一番新益知哀樂終年事未唱驪駒臯已辛

王圭簿革

革字德新一名著臨潢人以蔭補官祿碌筦庫餘三十年正中以六赴
廷試賜出身調宜君簿為人有蘊藉善談笑密公與之唱酬相得甚歡初
在太原作詩有赤心遭白眼笑面得嗔拳之句公甚愛之有詩寄之云柳
塘雲觀千鍾酒笑面嗔拳五字詩蓋志此也及弟後呈同年云孤身去國

五千里一弟邊人四十年大為閑閑所稱德新交游滿天下獨許欽叔與予為莫逆云年七十八終於雲中

寄荅劉京叔

十年相望惜睽違驚見蘭章隨客扉鄭子已聞耕有谷榮公誰念老無衣水浮落日流無盡山礙行雲斷不飛千古神川亦吾土幾時同采北山薇

衛承慶

承慶字昌叔襄城人父文仲承安中進士以孝友淳直稱於鄉里官至文登今年七十餘卒臨終沐浴易衣冠與家人訣怡然安坐誦東坡赤壁樂府又歌人間如夢以下二句歌闕而逝昌叔資冲澹有父風及識路宣叔王逸賓文伯起故其詩似之

感興

十日不出門出門春已好並山花更多十里紅未了朝看花尚妍暮看花又老蒿紅墮危枝餘香寄芳草人生祗如此百年疾過鳥安得脫鹿麋遊戲萬物表

劉昂霄

昂霄字景玄別字季房陵川人父俞字彬叔明昌二年進士仕為承發司管勾泰和中予識景玄於太原人有言是家讀廣記半月能背誦者予未之許也戲取市人日曆鱗雜米鹽者令讀之一過目無脫遺大率景玄之學無所不闕六經百氏外世譜宦制與兵家所以成敗者為最詳為人細瘦似不能勝衣好橫策危坐掉頭吟諷幅巾奮袖談辭如雲四座聳聽噤不得語故評者謂承平以來王湯臣論人物李之純玄談號稱獨步景玄則兼衆人之所獨愈叩而愈無窮不知去古談士為遠近餘子不論也嘗用門資叙調慶陽軍器庫使不就諸公方薦試宏辭而景玄病不起矣臨終夢賦山泉云帶雲縈遠澗和月到疎林又云萬里馮唐老中年賈傳歸未幾下世年三十七

中秋日同辛敬之魏邦彥馬伯善麻信之元裕之燕集三鄉光

武廟諸君有詩昂霄亦繼作

積甲原頭漢闕宮登臨還喜故人同超超萬里乾坤眼凜凜千年草木風今古消沉詩句裏河山浮動酒杯中極知勝日須轟醉更得銀盤上海東

趙村晚望

放眼東原上風煙接渺茫林疎出村落野迴散牛羊天地浮元氣山河半夕陽登高一長嘯未覺阮生狂

送裕之往洛陽兼簡孫伯英

洛水崧山壽樂堂每從熱惱得清涼竹床石枕應無恙尚可分風供十方

題裕之家山圖

萬里神州劫火餘九原吏甫有餘辜作詩為報元夫子莫倚家山在畫圖

同敬之裕之游水谷分韻賦詩得荷風送香氣五字各賦一首

招提有勝踐日暮一經過何物媚游人微風動池荷
尋幽意自愜况與佳人同俗物不到眼談笑來天風
敲門看脩竹重理舊年夢上山復下山清風管迎送
寒泉漱雲根湛然涵鏡光誰知一滴味中有曹溪香
迂辛與臞元得句猶有味頽垣斂暝色深竹貯秋氣

暝色敬之句秋氣裕之句也

寄申伯勝三首

直氣南山相與高爭教塵土浣青袍征科頗似曾料理差勝參軍作馬曹
執版那能拜下風世間禮數困英雄狂歌醉舞人誰識憔悴通泉郭代公

連昌能隔幾牛鳴不見令人鄙吝生乘興時思一相訪劇談豪飲見真情

游五渡谷

南山如碧環缺處蒼崖開當年造物手辨此何神哉睥睨倚天壁千古封
莓苔源源萬斛泉飛出重山來白龍三百丈衍處鳴春雷巨石若棟宇磊
砢相推排跳波與濺沫餘怒猶喧喧我來值杪秋萬壑風聲哀黃花雜紅
樹錦繡紛巖隈奇勝夙所貪欲去仍裴回題詩還自笑媿我非山村

田紫芝

紫芝字德秀滄州人父齊以陰為部掾德秀少孤養於外家定襄趙氏故
多居於忻年十三外祖廣寧治中命賦麗華引語意驚絕人謂李長吉復
生資性穎悟一覽萬言年二十讀經傳子史幾徧為人踈俊而以蘊藉見
稱與同郡王元卿齊名貞祐初避兵臺山倉卒為游騎所馳遇害時年二
十三士論惜之

夜雨寄元敏之昆弟

時年十六

醉夢蕭森蝶翅輕一燈無語夢邊明虛簷急雨三江浪老木高風萬馬兵
枕簟先秋失殘暑湖山徹曉看新晴對床曾有詩來否為問韋家好弟兄

亂後登凌雲臺

愁思紛紛不易裁，凌雲臺上獨裴回。亂鴉背著斜陽去，寒鴈帶將秋色來。破屋無煙空碎瓦，新墳經雨已蒼苔。天翻地覆親曾見，信得昆明有劫灰。

冥鴻亭下弟後作

眼底功名一物無，飛揚跋扈竟何如。青雲歧路多辛苦，賴得皇家結網踈。

王萬鍾

萬鍾字元卿，秀容人。父甫，字用之，通經史，淳實有儒行，亦以知醫見稱。兄萬石，字器玉，住太學，有賦聲，用之妻死，不更娶。二子俱無家室，井曰之事率親為之。貧居陋巷中，破屋蕭然，不蔽風雨，而弦誦之聲不絕也。元卿少，有逸才，讀書有後先，不欲速成。詩文閑適，似其為人。客至清談，終日人不敢以俗事浼之。與同郡田德秀、齊名，號王田。評者謂規製宏博，王不及田，而瀟灑無塵土氣，田亦非王比也。元卿嘗有詩寄子閔，中云：千里呂安思，叔夜二年社燕伴。秋鴻賦梅花，云：漢宮月下三千額，好在春風一抹痕。哭吾兄敏之云：蘭逕水流三月暮，桂林風落一枝春。古詩尤蕭散，有自得之趣。兵火中皆士失之矣。初用之聞北兵入塞，即以吾州為不可守，去之太

原五年不敢歸。貞祐二年，州破，死者十餘萬人，而用之亦以是日病歿於太原。較其時，皆三月三日巳時也。人謂用之先見固可稱，然生死定數亦自不能免。云元卿父毅之後，與其兄居于平晉之金城里。明年兵復至，兄被害。元卿欲收葬之時，游騎充斥，親舊勸勿往。元卿持不可，曰：兄死不收，留此身欲何用耶？流涕而去。尋亦被禍。時人甚哀惜之。元卿長子一月死，時年二十七矣。

春宵

風尖月細春猶淺，酒冷燈昏夜向深。人在西軒愁不寐，十年間事總經心。

元氏桂軒為敏之賦

簾捲堂前桂子涼，一軒燈火夜初長。月中春好元無價，天上風來別有香。棠棣一家同映秀，詞林百世繼餘芳。閑花野草空無數，掩盡人間獨擅場。

江村風雨圖

秋風撼撼澹林暉，煙靄昏昏失翠微。一段尊鱸江上興，蓬窗岑寂夢魂飛。

雷瑄

瑄字伯威，坊州人。以薦書從事史館，調八作司使，博學能文。時輩少有及

者并州人李汾與伯威同在史館以高蹇得罪伯威作詩送之頗譏翰林諸人不能少忍至與一書生相角逐使之狼狽而去有郎君未足留商隱官長從教罵廣文之句又云明日春風一抔酒與君同酌信陵墳人甚稱之

信陵館酒間二首

閑過信陵飲有懷信陵君君去日已遠誰怜抱閔人徑携一壺酒往酌公子墳墳科久已平墓木幾為薪泉扉鎖長夜千載不復晨昔與賢俊游今為狐兔隣豪貴竟安在念之心紛紛有生會歸盡但恐後無聞此意不可必且醉梁園春

維昔有迂叟樹桐彼高岡殷勤為封植遂欲棲鳳凰鳳桐生日已長鳳來殊未央維鳳覽德輝非時詎來翔枝幹枯以死志願終莫償憶在西周初飛下岐之陽裴回不能去和鳴聲鏘鏘文王既已没千載徽音亡咄爾叟何為而欲發其光空令枯株上日晏啼鴛鴦

客有自閔輔來言秦民之東徙者餘數十萬口携持負戴絡繹山谷間晝食無糗糒夕休無室廬飢羸暴露濱死無幾間有為秦聲寫去國之情者其始則歷亮而宛轉若有所訴焉少則幽

抑而懷厲若訴而怒焉及其放也嗚嗚焉惜惜焉極其情之所之又若弗能任焉者噫秦予父母國也而客言如是聞之悲不可禁乃為作商歌十章倚其聲以紓予懷且俾後之歌者知秦風之所自焉

扶桑西距若華東盡在天王職貢中一自秦原有烽火年年選將戍河潼春明門前灞水濱年年此地送行頻今年送客不復返卷上東來避戰塵盡室東行且未歸臨行重自鎖門扉為語畫梁雙燕子春來秋去傍誰飛灞水河邊楊柳春柔條折盡為行人只愁落日悲笳裏吹斷東風不到秦纍纍老稚自相携側耳西風聽馬嘶百死纔能到閔下仰看猶似上天梯上得閔來似得生閔頭行客唱歌行虛巖遠壑互相應轉見離鄉去國情前歌未停後迭呼歌詞激烈聲嗚嗚天下可能無健者不挽天河洗八區折來灞水橋邊柳盡向商於道上栽明年三月花如雪會有好風吹汝迴行人十步九盤桓巖壑縈迴行路難忽到商顏最高處一時揮淚望長安西來遷客莫回首一望令人一斷魂正使長安近於日煙塵滿目北風昏

陽夏懷古

短衣匹馬西北來十年去國隨風埃解鞍呼酒歌一曲玉鞭倒捉敲金壘
君不見項王臺昔時崔嵬今已頽秋風蕭瑟吹草萊又不見漢王城昔時
岩堯今已平寒煙寂寞啼鼯猩牧童擡頭學楚聲野老扶犁城上耕耕勢
不斷楚聲哀行人欲去還徘徊劉項英雄安在哉人間俯仰易陳迹聞身
健在須銜杯

龍德宮

紫簫吹斷綵雲歸十二樓空盡玉梯綵仗竟無金母降仙裾猶憶化人携
千年洛苑銅駝怨萬里坤維杜宇啼莫倚危欄供極目斜陽更在露盤西

南國

南國春生江水肥烏檣風扇錦帆歸吳兒日暮棹歌發驚起鴛鴦相背飛

古意四首

美人傷獨宿窈窕春閨深素手卷翠被當窻調玉琴危絃奏苦調清歌抗
哀音絃絕歌復咽起作薄命吟妾如朱槿花含英愁晏陰郎如青銅鏡照
面不照心不怨不照心但惜飛光沉且留連理枕莫捲合歡衾儻君回餘
輝歡盟尚可尋

對酒不能飲拊劔自度曲一唱行路難歌與淚相續朝為揚朱泣暮作阮
藉哭古道盡荆棘新蹊苦蕢莫曲行違吾心直行傷我足曲直無適從昂頭

羨鴻鵠

綿綿菟絲草濯濯樺樹枝結根偶相值引蔓纏綿之春風一披拂柯葉含
榮滋弱質附美蔭百齡誓不違清商忽用事霜飈颯已淒豈意百尺條同
此寸草萎委蔓失所託憔悴徒傷悲知君無歲寒何用相因依

賢王悲墜屨賢婦念遺簪重在不志故微物何所欽嗟我昔游友雲路揚微音
詎念宿昔好棄擲各飛沉昔如膠投漆今如辰與參桃李雖成蹊諒無松栢心

王亳州賓

賓字德卿亳社人貞祐二年進士由虹縣令為尚書省令史壬辰京城受
圍亳州為單父軍楊春所據春以事出德卿與故諫縣尉王進反正朝廷
授進集慶軍節度使德卿同知使事明年夏六月車駕幸蔡道出于亳德
卿逆謁上與語慰勞者久之詔行六部尚書事仍賜卅爵後數日部曲崔
七輩以軍食不給送款執德卿與副使呂鈞往市中鈞且行且拜泣涕不
休德卿毅然無所屈大呼曰但殺但殺不能從汝也是日遇害德卿學詩

甚力故所得亦多如風生傳令箭星落受降城烟外暮鐘催倦馬林間殘
照聚歸鴉倉小軍爭米村荒虎食牛又贈剛上人云楞嚴讀罷爐煙冷澹
坐山堂閱世人言懷云功名不到書生手坐撫吳鉤惜壯圖題馬丘寺壁
云落葉擁窻僧入靜孤燈穿屋客吟秋人甚稱之

衛真道中

毳袍落托又西征陌上東風小雪晴草色換回原燎黑冰漸消入水痕清
年華荏苒心情減邊事倉皇夢寐驚早晚渴南傳吉語犁煙雨趁春耕

舟中

河伯夸秋漲舟人健晚涼櫓聲搖落月山氣鬱蒼蒼

除夜

落托功名挽不前圍爐兀坐夜蕭然臘殘畫角東風裏春到梅花小雪邊
守得歲來慵攬鏡送將窮去自裝船平明點檢人間事只有詩魔似去年

李夷

夷字子遷後改名佖宛丘人苦於作詩賦古鏡云盤盤古皇州夢斷繁華
歇一鞭春事忙耕出壠頭月土蝕背花昏蹄涉駭龍蹲須髯怒欲張縮手

不敢捫又云壽光閩人多曾有此客否欽叔諸人甚愛之

贈國醫張子和

禁藥喧喧以字行粗工往往笑狂生天將借手開金匱雲本無心到玉京
歌嘯動成千日醉留連翻厭五侯鯖祝君莫觸曹瞞怒世上青黏要指名

古劍

古柵崖摧老雨天忽驚神物茁蒲然蛇吞元氣執掌載龍逐奔霆脫九泉
逆首未歸豪賊裏銜歌聊發慨揮邊物猶屢出爲時用撫匣潛然惜壯年

書淵明傳後

南渡龍孫角禿顛不甘橫斃寄奴弦一襟義氣麾周粟滿簡清風削宋年
雪徑伛迴松落落霜籬健羨菊鮮鮮時屯謚輩輕頽節顏厚吾家草木賢

郭邦彥

邦彥字平叔本鄆縣人僑寓陽翟遂占籍焉興定五年進士調永城簿以
退讓見稱生世不幸處于頑囂傲三者之間鬱鬱不自聊年未四十而死
寄庵先生愛其詩甚嗟惜之

秋夜聞彈箏篴

露重花香飄不遠風微梧葉落無聲倡樓何處教新曲夜靜月高弦索鳴

村行三首

藜花初落路塵香燕掠麻池乍韻頑一片雲陰遮十頃賣瓜棚下午風涼
芹葉蘆花岸兩邊釣溪石畔落孤鷺小畦引入平流水麻桿森森已拍肩
豆葉芄芄麻葉光種禾得雨又催黃田家樂事誰真得牧子行歌醉叟狂

酒醒

少年驕氣總消磨萬事紛紜夢裏過三載自持葷食戒一心還被性宗魔
凌煙閣上榮名好聚窟洲邊樂事多今日酒酣都忘却亂吟俳語作狂歌

讀毛詩

含氣有喜怒觸物無不鳴天機泄鳥迹文字從此生誰言土葦器聲合天
地清樸壤犧氏瑟巧露媧皇望末流不可障聲律隨合并徧讀蕭氏選不
見真性情怨刺雜譏罵名曰離騷經頌美獻諂諛是謂之采銘詩道初不
然自是時代更秦火燒不死此物如有靈至今三百篇殷殷金石聲漢儒
多名家辯口劇分爭康成獨摩戈諸儒約連衡祭酒最後出千古老成精
我欲讀爾雅不辨螿蟹名尚憐沈謝輩滿篋月露形孔徒九幾人入室無

長卿三子論性命舉世為譏評白首草太玄才得覆醬罍不如匡鼎說愈
笑人愈聽

史學

學字學優延安人兪才字才長佳太學有聲學優正大中省試第一人釋
褐舞陽簿辟盧氏令卒官妻李氏國初河南尹成之孫女小詩殊有思致
學優嘗客京師有所眷以而不歸李作詩寄之云百年風樹底誰淚到君
前學優得詩即日命駕

陪陳荏文謁釣泉榮上人

才長

強隨禪客到西禪竹栢團青陰石泉一首小詩吟不就閑情元在落花邊

宮詞

學優

寶帶香襟水府仙黃旂綵扇九龍船薰風十里瑤華島一派歌聲唱採蓮

默翁溪山橫幅 默翁龐都運才卿自號

五雲雛鳳下遼天來作金鸞翰墨仙詩酒償殘鷺館債簡書薰破鹿門禪
自怜歲月塵中老盡攬溪山筆底傳短草疎林秋一幅典刑人物記當年
李道人崧陽歸隱圖

石壁城頭夜斬關，軟紅塵底曉催班。道人一笑那知許，門外清溪屋上山。

晚梅

孤根春半恰春回，剛逐天桃艷杏開。蝶子蜂兒應有語，東風元不為渠來。

七夕

箱牛迴馭錦機閑，天上悲權亦夢間。月夜竝肩人不見，蕭蕭風葉滿驪山。

醉後

觀魚暫覺心差樂，化蝶元來夢亦忙。得似醉中都放下，春風自與百花香。

過太室

三輔祥開表聖期，三呼大壽與天齊。殿栖碧玉仍唐制，洞鎖蒼苔失漢題。
柱玉已聞安廟祀，劒鋒重為剪撐黎。外中剩有辭臣賦，滿望鸞旂鳳蓋西。
玉柱卓劍二峯名

佚冊

毋字君澤以明資仕與杜仲梁張仲經劉京叔游用是得名嘗作樂府云
玉堦春草傷心碧，錦瑟華年過眼空。又云千金買斷青樓月，爛醉桃花扇。
影風人多愛之。壬辰歲病京師圍中作詞云迴首鳳凰城下路，人不見月。

茫茫明日君澤死，其後京城亦丘墟矣。

寒食

交游零落葉辭柯，歲月嶢嶢馬注坡。燕子不來寒食過，滿城風雨落紅多。

醉中

爛醉歸來驢失脚，破靴指天冠倒卓。起來白眼望青天，狂氣崢嶸無處着。
陶潛止酒意有在，餽糟醅醕良未害。君看謝奕對桓温，得失老兵何足怪。
螟蛉螺贏待二豪，飲中寧有山家濤。平明徑訪陳驚坐，相對春風把蟹螯。

學古體

桐風吹月烏啼井，蟾波濕露沉雲影。素絲牽玉轉泉華，美人睡覺燕支冷。
銀鈎掛簾北窻曉，翠鏡臨雙鸞。小黃衫少年望不來，寂寂庭堦滿春草。

昨朝

昨朝已作春歸辭，今日還成送客詩。客子春光俱不見，落花寂寂閉門時。

楚宮

離宮樓閣與天通，暮雨朝雲入夢中。回首舊時歌舞地，女蘿山鬼泣秋風。

王元粹

元粹字子正初名元亮後止名粹平州人系出遼世衣冠家年十八九作詩便有高趣性習專固世事不以累其業故時輩無能當之者正大末用門資叙為南陽酒官遭亂流寓襄陽破隻身北歸寄食燕中遂為黃冠師有十月風霜侵病骨數家針線補殘衣之句親舊有怜其孤苦欲為之更娶者子正業已高舉主太極道院竟不能自返年四十餘癸卯九月病卒詩人淄川楊叔能挽之云匹婦主中饋雖貧生理存五言造平淡隻影臥黃昏記下陳蕃榻虛沾文舉尊北平家世絕銜恨入荒原從弟鬱亦攻詩方之其兄蓋商周矣

春日時年十八

春日何慘慘春雲何陰陰桃李都未花况乃餘寒侵久在都市居而無人見尋讀易了一編靜見天地心貧士寡徒侶古來非獨今

臨高

客子臨高秋思生碧山無際暮雲橫但看八月草木落未見中原塵全清流景暗但人易老故園何在夢頻驚樽中有物同誰盡正要相看醉膽傾

葉縣贈李長源

相見各異縣歲暮風霜清三日同眠食深見故人情借問何所歷大梁與秦京悠悠川途永冉冉歲月傾子當東北馳子亦西南征人事相羈束何時當合併聊斟昆陽酒為澆習次平出處固難必勉哉崇令名

送李文起令鄆城

好去鄆城宰當途有薦草長才試縣邑嘉政寄循良遠路連秋草征衫帶夕陽濟時公等在吾欲泛滄浪

九日

憑高一望客心傷風景蕭條是楚鄉飛鴈欲歸何處去幽花還似昔年芳詩因感物聊成詠酒為隨人強舉觴十載蹉跎身事晚每逢佳節轉淒涼

壽李長源

匹馬短衣看此行看君誰信是書生聽詩未覺秦川遠何劍常懷晉水清一飯見哀韓信取千金為壽魯連輕壯年休洒新亭泪且為江山灌巨觥

旅次

旅次渾無定生涯亦漫勞病求方士藥寒憶故人袍避俗惟黃卷志憂但濁醪柴門多落葉昨夜朔風高

西山避亂三首

蒼山多回互四望令人迷過午日已煖殘雲融為泥路滑不可進弱葛愁攀躋老幼委溝壑不如犬與雞嗷嗷同行子手中各有携汲澗為飲食架木為巖栖夜半三四鷺翁媪禁兒啼念我長病毋亂離隔東西

野宿不得曉飛霜沾敝袍空山凝寒色天邊星月高憶昨離鄂城數家同遁逃穿林恐相失前後聞呼號避亂但欲遠焉知登頓勞俯臨萬仞壑性命輕鴻毛

青青道邊麥知是誰家田山田固已薄榛石復相連旁有破茅屋日入不見煙借問舊居者聞亂已西遷平生苦淪薄對此增慨然甲兵暗宇宙誰能安一屨愁憂無從訴仰面視蒼天伐木南澗底雙鹿過我前

還鄂城舊居 四月六日作

南風兵塵遠病客返舊居入門顧西壁書籍亦無餘數口共嗷嗷日事將何如屋破未暇葺草滿須當鋤昔去季冬末今來孟夏初深媿資用絕時時煩里閭

經廢宅

誰家住宅北山隈亂後逋人尚未回惆悵門前是官道臨風一樹杏花開

登鄂城寺樓

亂後行藏豈自由此身雖在病兼憂一杯徒積黃泉恨四壁難為白日謀數極乾坤見中否跡跡隨溝壑恐長休可怜海內干戈滿獨對江山倚寺樓

八月二十三日夜走西山

婦病不能進兒啼不肯行蒼茫荒野外北風鼓鼙聲老幼夜中迷失路入榛荆月出天欲曙山頭烽火明郵卒一戰潰敵勢遂縱橫昨朝使帖下主將亦還營嗷嗷二十載何時見昇平我生值世亂世亂難為生

哭李長源

十月西來始哭君山中何處有孤墳以才見殺人皆惜忤物能全我未聞李白歌詩堪應詔陳琳書檄偶從軍窮途無地酬知己會待外平緝舊文

襄陽七絕句

江雨初晴江漲發涼風吹水波浪開日暮津頭聞打鼓越商巴賈卸船來街頭魚米近頗貴縮項長腰最可珍江東蓴鱸亦何好能令張翰稱達人近值喪亂棄中原南來亦復著南冠吾家舊井峴山畔野老謾作北人看

襄陽城府自古雄千蔓萬瓦當晴空短衣少年何處客相邀一醉楚樓中
城東大堤堤上頭何處女郎同出遊紫蓋留連不歸去唱歌日暮傍汀洲
江上小兒誇善沒一日入水知幾回汝曹未有機心在綠底鷗鳥不飛來
歎息者舊不復見欲問土風誰為陳羊公遺碑武侯廟江邊酒家說向人

武侯廟

武侯祠廟南山曲苔滿荒碑不堪讀客子登臨又一時秋色蒼蒼入喬木
天下不可無奇材千年精爽安在哉孤吟裴回不忍去寒日欲下悲風來

萬里

萬里江山動楚吟異鄉風物長年心孤身轉覺乾坤窄往事空驚歲月深
木落高城初過鴈霜飛幽館夜聞砧蹉跎未就東遊計醉後悲歌淚滿襟

醉後

雲自無依鶴自孤此生誰信有窮途干戈二十年來客留得殘骸傍酒爐

丹陽東樓

仙人樓居避蒸濕東樓縹緲群仙集風吹高栢影在衣忽驚蒲坐蛟龍入
日晚留連共一觴歸來如夢海生桑片雲送雨山頭黑傍水佗飛燕子忙

東樓雨中

水邊人去燕爭泥風動綠荷香滿溪高樹遶樓遮望眼獨看山色過墻西
倚樓人看水東流橋上行人却望樓零落故宮無覓處蕭蕭未黍滿城秋
多年蒼栢拂簷枝燕子飛來語向誰枕算不防留客住滿樓風雨下簾時
雨入溪樓不見山雨晴依舊數峯閑章即詩句王維畫好在幽人指顧閒
庭中野蔓走青蛇窗外蒼葵亂彩霞雲漏斜陽雷漸遠東邊飛雨到瓊華
好風吹袖覺涼生雨後東溪水面平無數荷蓮看正好却嫌波底亂蛙鳴
溝水清冷樹蔭圓下樓閑步上樓眠夜來夢裏驚風雨元是松聲到枕邊

王鬱

鬱字飛伯少日作樂府擬古別離有黃鶴樓高雲不飛鸚鵡洲寒星已曙
之句人多傳之其後入京師大為李欽叔所稱與之詩云詩句媿國風下
者猶楚辭贈詩者甚多有云憶昔穎亭見飛伯恍若夢中逢李白又云紫
陘仙人今淵雲騎風御氣七尺身又云良金元有價白璧况無瑕又云王
郎少年詩境新氣象慘澹含古春筆頭仙語復鬼語只有溫李無他人飛
伯用是頗自貴重云

春日行

春日飛春野寂紅明碧友元胎濕東風着意寒食時遊絲粘人困無力小
鈴犢車讖堤沙鳳簫驚落瓊英花荒墳頽頽啼夕鴉草荒月黑鬼思家

寄遠吟

一封征人書秋帆瀟湘岸當君高樓醉憶妾空閨嘆

陽關曲

城東車馬已促裝城西江水青茫茫綠楊陌上一盃酒離愁慘淡春無光
秦樓花映晴煙直誰家少婦當門立金鞭入手紫燕嘶回首飛雲曉山碧

傷別曲

蘭皋飛暗塵征軍紆去轍長安雖咫尺回首繁華歇故人亭下酒蛾眉眼
中血平生慷慨腸忽作柔絲結傳聞紫塞旁秋烽下危堞班超未投筆來
瑣空嚼鐵誰能金閨中坐眷娟娟月

長安少年行

新月平康金步蓮青雲戚里玉連錢誰家年少秋風裏梁甫吟成抱劍眠

楚妃怨

涼風遶樹秋長河絡天碧深宮悄無人月暗莎雞泣

古別離

山腰露蕙含天淚江林楓葉秋容醉夫君八月鴈門行碎霜冷印白龍轡
憶君挑妾初鳴琴琴中已有白頭吟朝朝暮暮當時事言之祇足傷人心
君不見湘妃二女哭舜時煙筠青玉紅珠滋蒼梧人去百想絕忍交今日
生離別生離別情偏重不及雙飛南浦雲落紅寂寂春闈夢

秋夜長

秋風嫋嫋吹庭樹傷心一葉隨風去葉隨風去何所之似我年年困羈旅
神繆紆屈泥中蟠青雲未到誰汝冷愁來不寐起視夜斗柄斜指西南天

折楊柳

長安二月多綠楊遠信未到龍庭旁佳人中夜抱影坐風窸冷愁思長
青天無雲一鏡索萬戶千門音響絕何人橫笛在高樓玉龍叫徹春江月

遊子吟


短日空裴回流雲自來去茫茫曉野客衣單白露無聲落秋樹

楊瞿贈李司戶國瑞

洛陽賞盡牡丹春寂寞鈞臺對夕曛手折幽蘭贈行子多情惟有李參軍
飲密國公諸子家

宣平坊裏榆林巷便是臨淄公子家寂寞畫堂豪貴少時容詞客醉琵琶

中州庚集卷終



中州辛集第八

邢內翰具瞻一首

王太常繪一首

王禮部競一首

杜佺一首

邊轉運元勳一首

李寧州之翰一首

三興居士一首

楊興宗一首

趙亮功一首

賈泳一首

元日能一首

范墀一首

王雄州仲通一首

韓內翰汝嘉一首

王吏部啓一首

晁洗馬會一首

王內翰遵古一首

王汾州璫一首

李特進獻可一首

雷溪先生魏道明一首

學易先生雷思一首

王大尹脩一首

高工部有鄰一首

宋孟州揖一首

高轉運德裔一首

路莫州仲顯一首

張代州大節一首

趙轉運愨一首

郭祕監長倩一首

郭錄事用中一首

趙太常之傑一首

趙轉運鼎一首

田轉運特秀一首

趙漕副文昌一首

路轉運忱一首

高密州公振一首

張轉運毅一首

宗御史端修一首

張戶部翰一首

李好復音

楊祕監邦基一首

呂陳州子羽四首

趙益部文昌一首

韓內翰玉二首

王都運擴一首

趙吏部伯成一首

梁錄事仲新一首

盧待制元一首

太常卿石抹立勤一首

苑滑州中一首

趙禮部思文六首

李坊州芳一首

劉鄆縣昂三首

錦峰王仲元三首

盧宜陽洵一首

刁涇州白一首

劉戶部光謙一首

毛提舉端卿一首

康司農錫一首

張戶部德直一首

馮辰一首

王世昌一首

李宜陽過庭一首

田錫三首

張介一首

龐漢一首

宋景蕭三首

李警院天翼三首

張叅議澄四首

劉神童微一首

郭宣道一首

張仲宣二首

胡汲一首

王修齡一首

別起 邢內翰具瞻

具瞻字嵩夫遼西人天會二年進士與吳蔡為文章友仕至翰林待制

出塞

樓外青山半夕陽寒鴉翻墨點林霜正沙細草三千里一笛西風人斷腸

王太常繪

繪字質夫濟南人天會二年進士武陟道中詩云梧葉重勝迎日露蕎秧薄要護霜雲人頗稱之仕至太常卿有注太白詩行於世

江天秋晚圖

萬頃波閒踏浪兒蕭湘秋晚趁歸時四山紅葉風聲健散入儂家欸乃詞

王禮部競

競字無競安陽人宋末登科仕國朝至禮部尚書兼翰林學士承旨年六十四大定四年卒無競善作大字字或廣長丈餘而結密如小楷京都宮殿題榜皆其筆趙禮部以為古今第一手唯黨篆差可配耳一孫名道通字彥深今為黃冠師

奉使江左讀同官蕭顯之西湖行記因題其後

雲煙濃淡費臨摹行記看來即畫圖雲夢不妨吞八九筆頭滴水了西湖

杜佺

佺字真卿武功人宋末有詩名於閩中兒時嘗作藥名詩有杜仲吾家好

弟兄自然同姓又同名之句及以五言百韻上乾州通判馬涓涓大加賞
異阜昌中登科蒞官亦有聲馬嵬太真墓過客多題其詩甚多道陵詔錄
其詩得五百餘首付詞臣弟之真卿詩在高等舊有錦溪集亂後不復見
矣子師楊亦能詩尤工書翰奉天揚煥然云然

馬嵬道中

垂柳陰陰水拍堤春晴茅屋燕爭泥海棠正好東風惡狼藉殘紅送馬蹄
邊轉運元勳

元勳字輔臣豐州人後遷雲中祖貫道遠日狀元輔臣天會十年進士終
於河間路轉運使與弟元鼎元恕

望瀛臺春望

晴雲如困柳如癡丹杏開殘碧草齊一派望瀛臺下水煖風遲日浴鳧鷖
七夕

高樓人散酒罇空漫擬新文送五窮獨倚南窓夜岑寂一鉤涼月下踈桐

李寧州之翰

字周卿濟南人宣和末擢弟人有勸叅童貫可以徑至館職者周卿謝絕

之國兵破洛州縛見元帥誘之使降語及君臣之際辭情慷慨自分一死
帥怜之遂被錄用後守寧州陷田侍郎珏黨籍除名徙上京遇赦復官終
於東平倅有棗園集行于世子靈石尉謙孫德元今在鄉里

書呈仲孚

造物固難量誰能計寒餓矣馬乃為福夢牛翻作禍長溪霜練靜脩嶺蒼
龍卧魂夢吾已安不勞歌楚些

題密雲州學壁

崎嶇到此興何堪况復風謠意未諳旅舍蕭條空自遣骨懷磊落向誰談
留連暮雨侵疎牖宛轉飛雲掃翠嵐因憶林泉歸去好一燈幽夢遶春潭

中京遇因長老

天涯流落偶生還古刹相逢語夜闌歎我歸途千里遠喜君禪榻一身安
松聲不斷風吟細月影無邊露氣寒分羊山堂更寂寥索冷雲衰草伴征鞍

歲暮

休怪年來白髮新天涯三載困埃塵偶離沙磧窮陰地收得桑榆老病身
對雪莫吟秦嶺句撥醅且醉漢江春此生自斷無餘事何必區區問大鈞

三興居士

三興居士阜昌中人

題平陰僧寺

三吳家近水晶宮，行坐紅香綠影中。今日異鄉僧寺裏，一盆荷葉戰西風。

楊興宗

興宗高陵人，宋既渡江，故興宗有龍南集。予同舍郎，關中楊君美嘗見之。

出劍門

嘔啞鳴櫓下長川，萬疊青峰只眼前。山鷓啄殘紅杏粉，杜鵑啼破綠楊煙。夢迴蜀棧雲千片，醉枕巴江月一船。物色誰分杜陵老，風騷牢落劍南天。

趙亮功

亮功華州人，嘗監富平酒。

甘露寺

鄭南峯下寺，泉石間踈篁飛雨度。山閣閑雲生野塘，簷前松子落厨際。栢煙香別後，聞鍾磬山陰空夕陽。

賈泳

泳字漢甫，洛陽人。

題安生僧寺

天會已酉，予嘗與王化原、李端中同過是寺。屬兵厄甫，雁堂宇頽弊，繪素剥落，秋草野蔓，羅生階上，盤桓終日，聞其無聞，時風塵未靜，竊謂此地當日就丘墟。及今與端中復來，則寺有僧，簡師矣。向之所見頽者已完，茸剝者復嚴潔，鐘磬巍焉，石塔歸焉，庭樹鬱焉，皆向之所未有者也。因一讀舊題，已經五稔，自念五年之間，所由齟齬十步九蹶，卒陷機穽，豈非禍患之來有積漸歟！抑得失行止，非人所能為歟？嗚呼！事去如夢，人生如寄，窮達相推，雖賢智有不能免焉者。顧余何足道哉！所不知者，他日過此寺之興廢，余之得喪悲歡，又何如也。續題一詩，貽失路者，共為一嘆云。癸丑七月八日題。

重來已是五年游，憂患相仍欲白頭。翻羨亭亭兩奇樹，不知風雨過春秋。

元日能

日能不知何許人，與劉崑老同時。

紅梅

天上瓊兒白玉肌
吳粧略約更相宜
認桃辨杏由君眼
自有溪風山月知

范攄

握字元涉系出潁川有詩話行于世

和高子初梅

春風也自惜流光
只放寒梅一樹芳
玉粉更粧前夜雪
口脂猶注昔年香
江湖昨夢誰同記
詩酒風流豈易忘
東閣何郎未全老
花枝休笑鬢絲長

王雄州仲通

仲通字達夫長慶人天會六年進士皇統中陷田穀黨藉編配五國會赦還世宗即位復官終于永定軍節度使

送客

措足疑無地
捫心幸有天
故人成解后
殘喘見衰憐
落日驚魂外
孤雲泪眼邊
西歸萬里夢
今夕到君船

韓內翰汝嘉

汝嘉字公度宛平人父昉遼末狀元仕國朝至宰相嘗作武元聖德神功

碑為作者所稱公度皇統二年進士累遷真定路轉運使坐公事遷清州防禦使召為翰林侍讀學士卒

寄元真同年

十年塵土躡毛班
杖履還來踏故山
葉寄殘紅春尚在
雲酣濕翠雨仍慳
不堪倚樹追前事
更恐臨溪見病顏
一日暫來千日去
何時倦鳥得真還

王吏部啓

啓字希畢大興人正隆二年進士累遷戶部員外郎通州刺史用宰相萬公薦權右司郎中章宗即位不一歲遷工部侍郎即以河南北路提刑使拜吏部尚書使宋使還出為絳陽軍節度使致仕還鄉里與左丞董公叅政馬公宣徽盧公尚書郭公爲九老會年七十九卒子師揚字仲雄南渡後隱居崧山時年已六十餘經傳子史皆手自抄之如健舉子結夏課然希顏說仲雄在水學同舍號爲閉戶王先生其議厚蓋家法云孫造字成叔今居東平

王右轄許送名酒久而不到以詩戲之

燕酒名高四海傳
兵厨許送已經年
青看竹葉應猶淺
紅比榴花恐更鮮

枕上末消司馬渴車前空墮汝陽涎不如便約開東閣一看長鯨吸百川
晁洗馬會

會字公錫高平人道院文元公之後宣和末中武舉仕為太子洗馬天眷
二年經義進士為入美風儀器量宏博澤人經靖康之亂生徒解散公錫
稍誘進之貧不能就舉者必厚為津遣在官下則分俸以給之至于李承
旨致美昆仲亦出其門其論歸焉歷虞鄉猗氏臨晉三縣令以興平軍節
度副使致仕年七十八終於家詩號汝水集虞鄉縣齋云官况薄於重掾
酒瓜期近似欲殘碁王官谷云煙藏芳樹遠雲補斷山齊鄉人至今傳之
孫國章字公憲李承旨外孫教授鄉里樂於提誨諸生經指授者肅然如
在官府進退拱揖皆有可觀蓋其家法云

杜鵑

杜宇啼聲枕上來一聲哀似一聲哀千哀萬怨無今古喚得行人若箇迴

王內翰遵古

遵古字元仲父政金吾衛上將軍三子遵仁遵義元仲其季也元仲四子
庭王字子温內鄉令終於同知遼州軍州事庭堅字子貞有時名庭筠字

子端庭揆字子文

過太原贈高天益

天益能作大字

遼海渺千里風塵令二毛心雖如筆正官不稱才高篋庫非君事山林必
我曹相期老鄉國拂石弄雲皴

野菊

子貞

閩雞臺下秋風裏白白黃黃無數花日暮城南城北道半隨榛棘上樵車

王汾州璫

璫字君玉太原人天眷二年進士第洪器玉珣汝玉皇統九年同榜家世
業醫有陰德聞里中嘗有金套金馬之瑞君玉仕至汾陽軍節度使鄉人
榮之號三桂王氏行尚書省左右司郎中仲澤其從孫也金馬在部掾清
卿房迄公寶之

游太寧寺

西山踏破萬層青與客携壺上太寧泉石有情容避俗軒裳無術可逃形
雲榮屋角僧禪靜露下松梢鶴夢醒明日却尋塵境去曉猿啼月若為聽
王元仲海岳樓同諸公賦 汝玉

十二朱欄倚半空元龍高卧定誰雄
簷楹翠濕蓬山雨枕簟涼生弱水風
物色橫陳詩卷裏雲濤飛動酒杯中
謫仙會有騎鯨便八極神游路可通

李特進獻可

獻可字仲和遼東入水師金源郡主石之子
太師遼末狀元仲和世宗元妃之弟
大定十年史紹魚榜進士歷州縣入翰苑
累遷戶部員外郎以事貶清水令召為大興少尹
遷戶部侍郎終於山東東西路提刑使
衛紹王即位以仲和元舅贈特進道國公子
道安特百符寶郎

清水寒食感懷

桃花零亂柳成陰人到春深思更深
芳草成樓天不盡異鄉寒食故鄉心

召還過故關山

過關天日正晴明誰道山神不世情
遠客得歸心緒別隴龍閑作斷腸聲

雷溪先生魏道明

道明字元道易縣人父遼天慶中登科
仕國朝為兵部郎中子上達元真元化
元道俱弟進士又皆有詩學元道最知名
仕至安國軍節度使暮年居雷溪自號
雷溪子有鼎新詩話行於世元道春興
云燕來燕去烏衣巷

花落花開穀雨天高麗館偏涼亭云
涼緘碧海半鸞鵝角國春風十里鴨頭波
中秋云丹桂知經幾寒暑冰壺別是一山川
其所得者也

佛嵩寺

虎谷西垠北口南橫橋過盡見松庵
舊遊新夢猶能記般若真如得徧參
霜圃擷蔬充早供石泉煮茗薦餘甘
殘年便擬依僧住過眼空花久已諳

退食

竿頭犢鼻清貧在夢裏槐安舊習空
退食歸來澹無事水邊長嘯看晴虹

學易先生雷思

思字西仲渾源人天德三年進士大定
中任大理司直持法寬平至今稱之
仕至同知北京轉運使事有易解行於世
弟志字尚仲亦弟進士仕至永定軍節度使
西仲季子淵最知名

食松子

千崑玉立盡長松半夜珠璣落雪風
休道東游無所得歲寒梁棟滿宵中

王大尹脩

脩字脩然范陽人皇統二年進士
資稟鯁峭甫入仕即以材幹稱大定中

皇子曹王尹大興脩然為少尹王移鎮北門復以同尹從之前後多所規
益朝廷稱焉遷咸平轉運使改知瀋州坐為怨家所誣奪官宰相有為
辨理者得鄭州防禦使章宗即位召拜禮部尚書以選為大興尹兩月政
成發姦擊手強剖繁理劇百年以來無有出其右者尋為護前者所排繫獄
累月天子知其非罪出之脩然幅巾歸范陽明年起為定國軍節度使致
仕卒遺命無請謚無立碑然至今言名臣者必及焉

烏子秀自左司員外郎左遷上京幕官

楚山白玉點蠅頭正坐宵中有九流同部吏郎皆五馬不知山鬼解揶揄

高工部有鄰

有鄰字德卿遂城人數歲入小學則將為子娶婦驂御盈路同舍兒競觀
之德卿讀書自若也大定三年弟進士歷州縣為尚書省令史時相議絀
詞賦專明經德卿以賦有諷諫之義反復詰難竟得不罷爾後擢弟者廷
試時務策亦自德卿發之明昌初累遷安國軍節度使父飛狐令某嘗尉
南和以公事活千餘人德卿實生是邑父老有身及當時事者扶杖迎勞
歡呼馬前德卿亦為立碑尉廳不踰月子嵩擢子鑄同榜登科時人榮之

秦和中使宋還拜工部尚書致仕卒德卿孝友廉介長於吏事所至興學
校敦風化以儒雅自緣飾者舊至今稱之子崑字士瞻弟進士季子巖字
士美正大初監察御史最知名

馬嵬

事去君王不奈何荒墳三尺馬嵬坡歸來枉為香囊泣不道生靈淚更多

宋孟州楫

楫字濟川長子人年十九天德三年擢弟除著作即母老丐歸養許之泰
和三年以省掾從吏部尚書梁肅使宋副趙王府長史直臣獵淮上射一
虎斃之濟川有詩記其事語意俊拔泗州守刻石於鎮淮堂濟川官至孟
州防禦使子元吉字祐之明昌二年進士元圭字達之泰和三年進士皆
有名於時曾孫弘道今在武陟

還紫雲香素扇且題詩其上

吳綾便面小團圓失手拈來亦厚顏障盡驛塵三十里却還明月紫雲閒

庭槐

庭槐先人手所植再世清陰方滿臺漸槐兒孫種桃李花枝準擬當年開

高轉運德裔

德裔字曼卿鶴野人高才博學弱冠擢弟累遷登聞檢院同知太府少監平陽少尹開州刺史豐王傅卒於西京路轉運使工於為文字畫尤有法所題卷軸今猶有存者嘗以檇軒所書比之氣韻形似無毫髮少異檇軒自望者甚高何至學曼卿乃暗之合真異事也子元道殿中侍御史

坐忘女

致澤州張氏年十三與曼之後
志已四年矣贈詩者甚多

結習銷來性自圓去留元不間人天消搖自是忘形蝶枯寂寧同委脫蟬無礙真空常蕩蕩若存餘息尚綿綿立亡坐脫皆游戲定力何嘗有變遷

路莫州仲顯

仲顯字伯達莫州人家世寒微其母有賢行教伯達讀書國初賦學家有類書名節事者新出價數十金大家兒有得之者輒私藏之母為伯達買此書搏衣節食累年而後致成伯達言此書嘗置學舍中必使同業者皆得觀少有靳固吾即焚之矣伯達正隆五年進士明昌初授武安軍節度使鄉人榮之雲胡用兵伯達奉使江左還獻賜幣以佐軍未報而伯達死章廟詔以所獻還其家夫人傅氏曰此非吾夫意復上之有司不聽夫人

付之州學買上田二千畝有奇以贍生徒故相馬琪德玉時判州事聞于朝賜號成德夫人伯達二子鐸字宣叔鈞字和叔俱有名于時宣叔為諫官諫章廟元妃李氏出細微不應上僭有累聖德又其兄弟侍寵納將有楊國忠之禍坐謫除名宣叔布衣還鄉里傳夫人臨終敕宣叔曰汝以憂國愛君故極言直諫天子明聖特寬有所蔽計他日必復起汝前事須再言勿有所顧藉也墓碑不之載故表出之

楊秘監釋如出山像

自從此老出山隅惱亂蒼生底事無他日若逢楊處士只教畫箇涅槃圖

張代州大節

大節字信之五臺人未眷中進士與興陵有藩邸之舊愛其真淳甚倚重之歷橫海軍節度使咸平大興尹吏部尚書河東北路兵馬都總管明昌初請老特授鴈門節鉞除其子崑叟忻州刺史以榮其歸信之好獎進士類滄州徐驥太原王澤大興呂造經其指授卒成大名士論以風監歸之崑叟字夢弼亦弟進士歷嵐路懷三州節度終於集慶軍屏山謂吏事不及乃父而以長厚見稱子待舉臺掾授奉御正大末從軍駕東狩

不知所終孫紹祖在東平

同新進士呂子成輩宴集狀元樓

鸚鵡新班宴杏園不妨老鶴也乘軒龍津橋上黃金榜三見門生是狀元

趙轉運愨

愨字叔通黃山先生諷之父也宋末汪彥章任鄆州教官通叔為學正嘗預酬唱故其詩文皆有源委國初登科仕至同知南京路轉運使事

擬古

春風動地來依依燒痕青王孫行不歸離恨何時平翩翩誰家兒曉獵開紅旌彫弓插白羽怒馬懸朱纓圍合意氣雄虜養厭庖烹以生一春草時至何足榮君看五陵樹日暮悲風生

蜀山曉發

曉發蜀山道山深人自迷殘星數微小斜月一梳低隔舍綠車響遙林杜宇啼區區事行役何日得安栖

寒齋雪中書呈許守

剪水作花開紛紛天上來聲清偏傍竹艷冷欲欺梅積潤滋牟麥餘膏巧

草萊窮閭休嘆息數日是春回

郭祕監長倩

長倩字曼卿文登人皇統丙寅經義乙科仕至祕書少監兼禮部郎中修起居注與施朋望玉無競劉嵩老劉無黨相友善所撰石次明傳為時人所稱有崑崙集傳于世子天驥

義師院聚竹

南軒移植自西壇瘦玉亭亭十數竿得法未應輸老栢植根兼得近幽蘭雖無穠艷包春色自許貞心老歲寒百草千花盡零落請君來向此中看

郭錄事用中

用中字仲正平陽人太定七年進士歷浮山簿陝州錄事卒年三十一有寂照居士集郝子玉毛牧達鄭仲康為之引其賦醋魚云身卧不知雲子白氣酣聊作木奴酸按博物志西菴仲秋日取鯉子不去鱗破腹以赤秫米飯鹽醋合糝之逾月則熟謂之秋鮓故仲正云然又賦雪云灞橋柳絮人千里楚澤蘆花水半扉殊有詩人思致恨不假之以年耳

偶得

參徧叢林懶出游指端孤月照高秋大千界裏閑窺掌不二門中暗點頭
掃地燒香聊自遣栽花種竹儘風流莊蒙抵死談齊物無物齊時也合休

趙太常之傑

之傑字伯英大定入本名宗傑避諱改大定十六年進士歷西京提刑副
使棣州防禦使終于太常卿使宋還言事云宋人文散之極且脆弱不足
爲慮邊部爲可慮也其前識如此子繪名進士早卒孫季卿在燕中

許道寧羣峰暮雪

道士平生林野人醉中拈出雪峯真爲君療却煙霞癖比似青囊藥更神

題濟源龍潭寺

樹圍脩竹竹圍庵庵下泓然碧一潭極目荷花半秋色小橫圖上看江南

除夜

日月不肯留歲曆修云畢僧坊見節物新正在明日夜半拊枕嘆半百又
加七形骸念念改臂力能不失經言男數八此去才有一健者未可期况
乃常衰疾物情忌盈滿君子慎名實行矣安退閑吾其保終吉

趙轉運鼎

鼎字德新欒城人大定十六年進士喜作詩頗知道學屏山所許如此仕
至西京路轉運使元日詩云拜嗟筋力隨年改飲覺屠酤到手遲惜不多
見也子中立字正卿弟進士文譽甚著

宿來同堡

渭北洮南過却春窮邊冰雪更愁人來同驛裏題詩處破屋青燈一病身

田轉運特秀

特秀字彥實易縣人大定十九年進士仕至大原轉運使喜作詩爲周德
卿李之純所賞感興云散木不材寧適用虛舟無意任乘流百年身世槐
安國千古人情羹頡侯賦古塔云締構百年人換世消沉千古鳥盤空他
類此彥實所居里名半十行弟五以五月五日生小字五兒二十五歲鄉
府省御四試俱中弟五年五十五八月十五日卒造物之戲人如此五明

序者見其賦集

宿萬安寺

長途鞍馬倦黃塵喜見空岳萬疊雲漫漫野煙迷去鳥蕭蕭林葉帶殘曛
苔封老檜龍鱗起石礙流泉燕尾分夜敞松窓耿無寐一庭蘿影月紛紛

趙漕副文昌

文昌字當時陵川人仕至京北轉運副使嘗有詩云蟲聲連壞壁樹色入秋窻草香花落處山黑雨來時頗為黃華所稱

歌扇

媚娘巧作貫珠喉畫扇團團半掩羞唱到春山小蟬處一輪明月為花愁

路轉運枕

枕字子誠平郭人大定二十二年進士累遷監察御史終於河東北路轉運副使

秋懷

落日留虛壁秋風急成樓高歌鬼神夜揮涕虎狼秋豪貴少青眼文章多白頭何時挂長劍天地一扁舟

高密州公振

公振字特夫正隆初進士歷南京留幕終於密州刺史詩有家學賦南園江鄉有翠蓋紅粧無俗韻綠陰青子更多情之句惜不多見也

裴氏西園

簿領沉迷倦不禁偶從名勝此幽尋竹陰踈處見潭影人語定時聞鳥音陳跡謾留千古恨歡遊聊慰十年心多情一片梁園月送我垂鞭出上林

張轉運毅

毅字伯英臨潁人夫定二十八年進士仕至河東南路轉運使家多法書名畫古物秘玩周秦以來鏡至百餘枚他物稱是天性孝友與人交極誠款古所謂博雅君子者伯英可以當之弟毅字伯玉美風儀善談論氣質豪爽在之純希顏伯仲聞舉進士有聲場屋及再上不中即拂衣去嘗自言丈夫子娶非尚主官不徒步至宰相不屑可也宰相李公仲修適之皆與之遊從不敢以布衣諸生處之家既貴顯厚於奉養擊鮮為具賓客日滿門窮晝竟夜卒以樂死嘗賦雪去樵皮雙鳧懶漁蓑一蜩拳醉後云日日飲燕市人人識張騎西山晚來好飲酒不下驢賦畫石云腹非經笥口不肉食胃中止有磊磊落落百千萬之怪石興來茹噎快一吐將軍便欲關弓射氣毋忽破碎物怪紛狼藉有時醉狂頭插筆掃盡人閒雪色壁其顯放如此

石淙

天后離宮在崧山曲河即東坡為韓子華賦詩處也

潁水洗餘高直是非猶恐汚人牛區區武媚何為者水上磨崖紀宴游

宗御史端脩

端脩字平叔一字伯正汝州人大定二十二年進士衛紹王避世宗諱改宗為姬而天下止以宗平叔目之好學喜名節操履端勁慕司馬溫公之為人自為諸生時見者必悚然敬之明昌中自省掾拜監察御史車駕東狩是歲大寒人有凍死者平叔諫止之元妃兄弟李喜兒輩干預朝政平叔上書以遠小人為言道陵知其為喜兒發詔喜兒就問卿欲朕遠小人小人為誰其以姓名對平叔奏小入止李喜兒兄弟耳喜兒以聞李氏兄弟皆被切責竟以訐直貶官平叔自守愈篤具是非非議論一出于正大為朝廷所知降詔褒諭以全州節度副使卒官平叔妻死不更娶絮居二十年士論高之永寧游彥哲調汝州司候將之官問為政平叔言為政不難治心養氣而已彥哲不領明日復來云夏初入官且臨先生鄉郡請問從政而先生乃以治心養氣為言思之不能得願終教之平叔曰子寧不知此耶治心則心正心正則不私養氣則氣平氣平則不暴不私不暴為政之術盡於此矣平叔墓碑及傳閑閑公為作稱其剛稜疾惡有鐵面陳

了翁之風人不以過云姪孫汝作正大末保山棚有功入守汝州力盡城復陷兵人欲降之不屈而死

漫書

冷面宜教冷眼看只慙索米向長安陰崖何限枯松樹望見屏幃盡牡丹

張戶部翰

翰字林卿秀容人大定二十八年進士為人有蘊藉如素宦然累遷監察御史翰林直學士貞祐初戶部侍郎車駕南渡出為河平軍節度使召拜戶部尚書草創之際經費空竭雖米鹽細物皆倚之而辦予嘗見於戶曹邠州一書生言時事相與詰難凡數十條率不思而對雖反復計度者亦自不能到信通濟之良材也宣宗早暮相之會卒年五十五弟脩字飛卿承安五年進士同知河東北路兵馬都總管事猶子天彝字仲常黃裳榜登科子天任字西美近侍局副使死於宋州之變

贈石德固

西湖之月清無塵橘中之樂猶避秦向來所見止此耳渠亦豈是真知津如君眼孔乃許大萬事付之塵甑隨兒能詩書又肯播着脚世間看踏破

青巾玉帶桃李花日斜空望紫雲車布衣誰識隱君子一馬羶然何處家
再過回公寺

山州風土極邊頭二十年中復此游青鬚已隨人事改碧溪猶繞寺門流
輕寒剪剪侵馳褐小雪霏霏入蜃樓為問勞生幾時了不誠長抱異鄉愁
萬寧宮朝回

宿雨初收變曉涼官槐恰得幾花黃鵲傳喜語留鞞尾泉打空山輓鞠場
已覺雲林非俗境更從衣袖得天香太平朝野驩娛在不到蓮塘有底忙
奉使高麗過平州館

昨日龍泉已自竒一峰寒翠壓磨厓低兼并未似平州館屋上層巒屋下溪
金郊驛

山館脩然爾許清二更枕簟覺秋生西窓大好吟詩處聽了松聲又雨聲
李好復

好復字仲通安喜人明昌二年進士榆次令有能聲入為警巡使嘗以事
縛一護衛道陵有投鼠之喻出為歷城令終于滑州刺史

邵智夫同游南城

園林晴晝蔚如煙林外支流盡水田落日趁墟人已散鷺鷥飛上渡頭船

雨中與客飲

門外平橋一水分數聲漁唱隔溪聞暖風落絮飄香雪小雨沾花濕夢雲
釀具未甘名長物詩壇聊欲張吾軍相逢莫惜通宵飲明日閑身不屬君

楊祕監邦基

邦基字德茂大定中進士住至祕書監禮部尚書文筆字畫有前輩風調
世獨以其畫比李伯時云

墨梅

粉蝶如知合斷魂啼粧先自怨黃昏花光筆底春風老寂寞嶺南煙雨痕

呂陳州子羽

子羽字唐卿大興人大定末進士仕至陳州防禦使元光末為酷吏所誣
以乏軍興繫獄比赦至唐卿自縊死朝臣有辨其冤者詔復官希顏為制
辭云毀譽之來在仁賢而不免是非之論至久遠而乃公人謂唐卿於此
語為無媿屏山故人外傳呂氏自國朝以來父子昆弟凡中弟者六人以
六桂名其堂貞幹字周卿尤自刻苦酷嗜文書著碣石志數十萬言皆近

代以來事迹幽隱謫怪詎諧嘲評無所不在史館論正統獨異衆人謂
國家止當承遼大忤章廟旨謫西京運幕量移北京致仕自號虎谷道人
晚年感未疾又號呂跛子自作傳以見志閑閉公亦以爲篤志君子也弟
士安字晉卿卿雲字祥卿子鑑字德昭皆名士唐卿其從子云

廣平道中

風色着翬面霜華侵老須昏埃埋故驛積雪縞脩途凍袖新詩句寒林古
畫圖夜寒孤月上天地一冰壺

宿章義廣勝寺

小邑本無事我來勞簡書路長頓問馬人靜厭烹魚鍾冷僧叅外燈殘客
夢餘此心誰領會松月夜窻虛

至日

歲晏多風雪官閑深屋廬小詩窮則變美酒數斯疏未草歸田賦空翻引
睡書窻明添眼力已覺日光舒

李白醉歸圖

春風醉袖玉山頽落魄長安酒肆回忙煞中官尋不得沉香亭北牡丹開

趙塩部文昌

文昌字公權平陽人明昌二年進士仕至遼東路塩使博學好持論周常
山甚愛之子觀字維道從事史院資謹厚不忤于物閑閑許其字畫進進
不已可到古人云

軍中寄親舊

軍中從事鬢絲垂把釣江湖與願違紅葉関河爲客久黃花時節寄書歸
霜天不盡孤雲逐秋意無聊一鴈飛鄉社故人應念我豈知南望更依依

韓內翰玉

玉字温甫其先相人五世祖繼寧任石晉爲行軍司馬從出帝北遷居析
津曾孫知白仕遼爲中書令字爲中書門下平章事賜田盤山遂爲漁陽
人曾祖錫字難老仕國朝以濟南尹致仕温甫明昌五年經義詞賦兩科
進士入翰林爲應奉應制十日百篇文不加點又作元勳傳稱旨道陵嘆
曰勳臣何幸得此家作傳耶泰和中建言開通州潞水漕渠船運至都陞
兩階授同知陝西東路轉運使事大安三年都城受圍夏人連陷邠涇陝
西安撫司檄温甫以鳳翔總管判官爲都統府募軍旬月得萬人藉秦州

場買馬官香及鳳翔冒買馬七百寶雞埋沒官鐵他州郡弓弩數千以給軍出屯華亭與夏人戰敗之獲牛馬千餘時夏兵五萬方圍平涼又戰于北原夏人疑大軍至是夜解去當路者忌其功驛奏溫甫與夏寇有謀朝廷疑之使使者授溫甫河平軍節度副使且覘其軍先是華州李公直以都城隔絕謀舉兵入援而溫甫恃其軍為可用亦欲為勤王之舉乃傳檄州郡云事推其本禍有所基始自賊臣貪容姦賂繼緣二帥貪錮威權既止夏臺之師旋致會河之敗又云齊魏以高壘為能堅蒲絳以穿空為得計裹糧坐費盡膏血於生民棄甲復來竭資儲于國計要權力而望形勢連歲月而守妻孥又云命令不至京師奈何眈眈四集之師懸懸半歲之上人誰無死有臣子之當然事至于今忍君親之弗顧勿謂百年身後虛名一聽史臣只如今日目前何顏以居人世公直一軍行有日矣將佐違約國朝人有不從者輒以軍法從事京兆統軍便謂公直據華州反遣都統楊珪襲取之皆置極刑公直曾為書約溫甫溫甫不預知其書乃為安撫所得公直書三一與京兆宣撫一與溫甫一與楊珪故京兆軍得因書襲華州及使者覘溫甫軍且疑預公直之謀即實其罪溫甫赴官道出華州被囚死於郡學臨終書二詩壁間士

論寃之溫甫先賦怪松云昂藏殊未展偃偃旋自縮惜爾雲外姿耐此胯下辱又云木高眾必摧地厚敢不踣河中皆泛泛澗底自鬱鬱未幾被禍人以為讖云子不疑字居之小字錦郎以父死非罪誓不祿仕丙申之夏過予冠氏出其父臨命時手書云此去冥路吾心皎然剛直之氣必不下沉兒可無慮世亂時艱努力自護幽明雖異寧不見尔予為之惻然

臨終二詩

客自朝那戍東過古鄭原衰年會凶運奇禍發流言白骨將為土青蠅且在樊仰呼天外恨沉思地中寃母喪半途鬼兒孤千里魂此心終不滅有路訴天聞

天下無雙士軍中有一韓才名兩相累世道一何艱旅次窮冬暮囚孤永夜寒身亡家亦破巢覆知寧完矍矍鑿鞍仍在驚呼缺屢彈丈夫忠義耳無惜感歌還

王都運擴

擴字充之永平人明昌五年進士累遷同知德州防禦使事山東飢詔馳驛赴官且以振貸事付之時棣州飢尤甚而不在發粟之數充之擅開倉

救之朝廷不之罪也泰和七年夏旱充之以監察御史受詔審冤因爲同
列言往時審冤一切以未減爲事至殺人者之罪亦貫出之地下之冤當
誰理之乎使還言劫設三司不便大略言三司之設特以刻剝爲事大定
間一曹望之爲戶部天下倉廩府庫皆實百姓無愁怨之聲存乎其人不
在改官稱也今三司官皆戶部舊員掾屬亦戶部舊吏豈有愚於戶部而
智於三司者乞復戶部之舊無駭民聽可也崇慶初遷河東北路按察簽
事上書言時病也將不知兵二兵不可用三事未素定四用人違其長
貞祐二年太原受兵充之功爲多最後權陝西西路轉運使行六部尚
書前政太原喬世權子實燕人趙伯成子文號爲稱職充之表表自見雖
處細務亦有法掾屬奔走從事無敢後者評者爲子實寬緩欲爲不忍欺
子文慎密欲爲不能欺皆未必能然獨王公之不敢欺爲有徵云年六十
三致仕卒子元慶字善甫歸德行六部郎中次子元亨

題神霄宮清心軒

紛紛百慮自心生方寸清來百慮平未了此心私自笑更憂時世欲澄清
趙吏部伯成

伯成字子文宛平人明昌五年經義詞賦兩科進士博通書傳有貞積之
力性沉厚言必中理從在太學日人以趙骨鯁目之累遷侍御史拜中丞
陝西西路轉運使靜難軍節度使哀宗即位召爲吏部尚書坐爲飛語所
中罷官卒于崧山中路人宋文之說其臨終甚明了也

蠟梅

二首

凍蕾含香蠟點勻古來幽谷有佳人詩家只怨和羹晚不道紅梅別是春
冷艷踈香寂寞瀨欲持何物向時人東風自是清狂手辦作竹籬茅舍春
元弟以所業見投賦詩爲贈

者舊隔存歿爲君重嘆嗟大門得嵇紹文賦見張華風有凌雲筆方乘犯
斗槎忘年即吾友未可論通家

梁錄事仲新

仲新字良輔朝城人明昌五年進士初試仙掌承露詩主司以爲擅場用
是知名卒于許州錄事

江天暮雪圖

南雪不到地霏霏滿竹樓沙河燈市裏春在木綿裘

盧待制元

元字子達玉田人父啓臣字雲叔弟進士仕宦亦達自號溇水先生和趙元發劉師魯葛藤韻云乳兔生長角塵湯結厚冰木終成假佛疑不礙真僧莫認指為月頌明是燈拈花微笑處以記老胡曾子達幼而敏惠年未二十試於長安為策論魁擢弟後又中策魁明昌初章廟設宏詞科命公卿舉所知子達與郭徽周詢張復亨就試凡七日並中選遂入翰林苑累遷至待制二兄長庸弟曾名進士又俱擢高第時人以燕山竇氏比之屏山故人外傳云爾子安字希謝翔字仲升仲升正大末登科

閑詠

天近蒼龍闕居連白馬堂松聲得隣舍山色出宮牆巷陋輪蹄少庭閑日月長九衢紅霧裏亦有白雲鄉

太常卿石抹世勳

世勳字晉卿承安中進士終於禮部尚書子嵩字企隆應奉翰林文字父子皆死蔡州之難

紙寫

鴟鵂鴞誰雌雄假手成形本自同果物戲人人戲物為風乘我我乘風扶搖漫擬層霄上高下都歸半紙中兒輩嗷嗷方佇目豈知天外有冥鴻

苑滑州中

中字極之大興人承安中進士累官京西路司農少卿滑州刺史好賢樂善有前輩風流貞祐中高琪當國專以威刑肅物士大夫被摶撫者皆辱與徒隸等醫家以酒下地龍散投以蠟丸則受杖者失痛覺此方大行於時極之有戲云嚼蠟誰知味最長一杯卯酒地龍香年來紙價長安貴不重新詩重藥方時人傳以為笑極之嗜讀書一以資于詩詩亦往往可傳壬辰卒于京師年五十七

贈韶山退堂聯和尚

郎當舞袖少年場線索機關似郭郎今日棚前閑袖手却從鼓笛看人忙

趙禮部思文

思文字庭玉永平人明昌五年進士貞祐中陷沒都城間闕南渡遂為朝廷所知歷虢州刺史汝州防禦使金安集慶兩軍節度使召拜禮部尚書壬辰卒官為人誠實樂易自少日有君子長者之目南狩以後趙吏部子

文揚禮部之美趙禮部周臣陳司諫正叔與庭玉皆完人終始無玷缺者也弟庭珪同榜登科三子敬叔介叔方叔今居鄉里

試院中呈同官崔伯善李順之

睡起松陰鳥雀譁忽驚霜葉墮簾牙簡書迫促全踈酒眼力眈昏只費茶不學道人食栢葉却隨舉子踏槐花提衡文字非吾事崔李風流有故家

俟相浪溪歲寒堂

靜中臺榭隔紅塵水色山光日日新不用公溪種松竹主人元是歲寒人

捕蝗感草蟲有作

雖是形模不苦爭汝能傷稼我能鳴誰知竟有長平禍玉石填來共一坑草蟲悲咽不能言亂逐螟蝗墜古原水底癡龍正貪睡瓮中蝎虎更噉寬

詩疑圍城中作觀者可以意推之

嵩山承天谷又云逍遙谷

煙霞直上逍遙谷路轉山胷咫尺迷已覺洞天分聖境更疑石磴是仙梯霜添紅葉黃花好天與金壺玉柱齊兩峯名醉倚西風正南望暮雲煙草一時低

吊同年楊禮部之美

海內文章選人中道德師爭教表病足不到鳳凰池

李坊州芳

芳字執剛大興人承安二年進士歷乾坊兩州刺史同知都轉運使事爲人敬賢下士款曲周至聞人一善極口稱道士論以此歸之又精于吏事累以廉能進秩正大末致仕歿於洛陽之難

留別

祿食媿踰量智困念歸愚符竹恒爲累幸及引年初驅馬國西門初服返田廬金閨富才彥絕足駛高衢眷我謝朝蹟冠蓋寵歸途歸途豈不榮願瞻亦踟躕煌煌丹山鳳覽德萃清都行人得接止老鶴青天孤石樓俯清伊旁有野人居儻逢經過便山水足相娛

劉鄂縣昂

昂字次霄濟南人承安五年進士調鄂縣令劉光甫曾爲同官稱次霄高材博學詩時有佳句云

零口早行

馬上元殘夢沉沉天向晨行雲如妬月古道不逢人野曠耕聲遠山高露氣新哦詩無好語聊耳一吟呻

讀國志二首

虎視鯨吞卒未休一時人物盡風流婦翁正得黃承彥兒子當如孫仲謀乳臭蒙孫真寄坐齒寒鄰國莫分憂阿瞞狐媚無多罪誰作桓文得到頭泣漢遺黎血未乾繁昌新築受終壇天球寶鼎私藏獲坎井坳堂局鳳鸞地易主賓窮赤壁勢成螳雀事烏丸陳言衮衮令人厭枉就輸茶覆舊藥

錦峰王仲元

仲元字清卿平陰人承安中進士以能書名天下歷京兆轉運司幕官子公茂今在雲中

雪中同周臣內翰賦二首

天上端花散不收溫溫叶氣浹皇州橫溪月澹梅宜臘平野風閑麥有秋清興雅高東武會孤吟誰似霸陵游西山玉立三千丈好句都輸趙倚樓

雪

初稀時拂拂稍密自紛紛老樹曉迷月瘦峯寒怙雲色從空際得聲向靜

中聞客枕清無夢哦詩徹夜分

贈青柯平隱者

太華神明觀青柯小有天大哉霄壤內無此第昆賢齊物三千行棲雲二百年初平初起後又得兩矚仙

廬宜陽洵

洵字仁甫高平人李承旨致美見所作上梁文勉使就舉六十一歲呂造榜登科歷河南府教授河陽丞宜陽令致仕後居伊陽年八十三卒仁甫有詩學以鞏原及赤壁圖詩著名招飲去南園仙杏猩紅破北渚官醪玉汗醇已約尊前成二老全勝月下作三人

白溝

白沙清淺不容舟遼宋封疆限此溝到了山河無定主碧波依舊只東流

刀涇州白

白字晉卿信都人呂造榜乙科歷涇州幕官入補省掾卒作詩極致力樂府尤有風調今散失不復見矣

渭水

渭水秋天白驪山晚照紅行人迷古道老馬識新豐霜雪滿歸鬚乾坤猶轉蓬愁來成獨酌醉袖障西風

物質

物質方圓定營營止自疲鶴鳧傷斷續鷓鴣失高卑巧宦多成拙徐行未必遲可伶筆上鴈來往聽人移

送花

縱橫詩酒少年曾老矣追懽謝不能種出好花無用處東鄰乞與坐禪僧

劉戶部光謙

光謙字達卿瀋州人父澤字濯之爲部掾斷獄有陰德劉之昂與之酬唱其詩有云侯門舊說炎如火陋巷今猶冷似冰半夜杯槃長袖舞白頭書冊短繁燈用是不敢以府史待之達卿泰和三年進士資幹局處事詳雅爲朝廷所知累官司農少卿病瘡許州宣宗救國醫診視之卒年五十六好問爲舉子時識於登封相得甚歡尊酒閒談笑有味使人不能忘也

寄陳正叔雷希顏

東南形勝古徐州人物休評弟幾流落落陳雷天下士故應連榻卧黃樓

毛提舉端卿

端卿字飛卿彭城人父矩桓州軍事判官歿王事飛卿二十歲始知讀書游學齊魯間備極艱苦飢凍疾病不以廢業凡十年以經義魁東平泰和三年擢第累遷提舉權貨司戶部員外郎性剛明疾惡過甚坐與監察御史相可否爲所中傷降鄭州司候改孟津丞將復用矣會卒子思適今居東平

題崑崙郝子玉此君軒

桂林名姓一枝新萬竹青青德有鄰湄上風煙分別派山陽詩酒屬閑人心期已到冰雪窟眼界不知花柳塵萱背從今看輝映嫩香新粉四時春

康司農錫

錫字伯祿寧晉人其祖嘗與兄弟分財他田宅無所問止取南中生口十餘人縱爲民而已以故家獨貧父亦爲里胥性純篤縣令者倚之以納賄及令爲御史所劾奔自念言直則令被罪終世不齒渠官長而我以事證之何以立於世乃自縊而死令竟以無迹可尋獲免伯祿既養於外祖田氏田氏見伯祿骨骸異他兒謂當有望使之應童子舉飲食卧起躬自調

護備極勞苦得解赴都一日日暮行莛葦中懼為同行所遺至背負伯祿而行及長師栢卿王翰周輔束脩不能備周輔與諸公共賙給之黃裳榜擢弟歷櫟陽簿愷通判官辟彭原令補省掾考滿遷開封府判官拜監察御史言宰相侯摯師安石非相材提點近侍高宗室安之聲勢焰燄請託公行不可使久在禁近朝議偉之選授右司都事京南路司農丞破上蔡諸縣羣不逞把持之黨以河中治中充行六部郎中從軍城陷投水死伯祿孝于母友於其弟有恩義於朋友從政則死心以奉公為民古所謂公家之利知無不為者唯伯祿為然同年生如雷希顏莫京父宋飛卿之等名士數十人世以比唐日龍虎榜至論氣質尚以伯祿為稱首云

按部南陽有贈

魯山佳政露隣邑白水歡謠見路人縣務清談君自了農郊風駕我何勤星河直上水輪轉桃李前頭玉樹春海寓疲民望他日草堂那得遽移文

張戶部德直

德直字伯直平陽人叔祖邦彥字彥才張楫榜登科以當川令致仕有松堂集行于世嘗有詩云青山澹澹水溶溶盡出蒼祗點化工無限燒痕渾

綠染可憐喬木待春風父迪祿字仲英明昌初進士歷岐山上黨二縣令卒於省掾伯直貞祐三年進士釋褐新平簿辟藍田令秩滿父老詣行臺留再任去之日為立生祠移河池通許召補省掾選授右警巡使終於同知武勝軍節度使事子城今居求寧

叔能見過

度嶺千峯闊浚溪一徑微山寒花發晚村迥客來稀強飲酬佳節悲歌送夕暉平生愛歡聚衰病與心違

馮辰

辰字駕之臨潼人貞祐三年進士辟涇陽令九歲知作詩

雨後時年十三

東風花外錦鳩啼喚起西山雨一犁綠滿蔬畦人不到桔槔閑立夕陽低

王世昌

世昌字慶長寧州人貞祐三年同進士出身以信都丞致仕

過華州

拔地三峰冷翠微落崑飛瀑噴珠璣吟鞭落托騎驢過戰刃韜藏牧馬歸

十丈玉蓮秋不謝半楞掌月晝還飛地靈人傑無遺逸未分蟠螭老布衣

方城東寺海棠

苦苣如針草有芒桃花輕薄絮顛狂少陵例有詩沾丐只枉無言到海棠

李宜陽過庭

過庭字庭訓武亭人貞祐二年進士歷宜陽永寧滎陽三縣令所去見思入為右曹掾斷獄寬平當妖賊李真首坐所註誤數百人皆從輕法正大中擢右三部司正終於昂武軍節度副使少日從太原王正之學故詩文皆有可觀人初與交者多不能合久之知其為淳質長厚人也壬寅四月暴卒於東平子萼字華甫

讀公孫弘傳

古來好客數平津我道真龍未必真一箇仲舒容不得不知開閣為何人

田錫

錫字永錫宛平人興定五年進士調新蔡主簿閑居南陽驥立山下資豪爽自少日有聲場屋閒作詩甚多吊蘇墳一篇有英靈還却眉山秀依舊東風草木天之句世間傳之

牧牛圖

干戈擾擾徧中州挽粟車行似水流何日承平如畫裏短蓑長笛一川秋

故縣別業

九折驅車夢易驚一廛老計喜初成園蔬不借將軍地宅券何勞宰相名山入平簷供遠翠水環釣石得深清漫即聲叟琦玕子誰悟他生與此生

張介

介字介夫彭城人正大元年經義弟一人歷鞏穀熟二縣令幼有賦聲為人有縕藉嘗贈詩人楊叔能末章云我貧自救如沃焦君來過我亦何聊為君欲寫貧士嘆才思殊減荒村謠楊初以荒村謠得名故云

讀天寶遺事

不但昨非今亦非上皇騎馬泪沾衣曲江死後無忠諫却憶詞人秋鴈飛

龐漢

漢字茂弘平晉人正大末年進士沉毅有志節待次內鄉北山兵亂遇害

終南谿

冷雲低壓萬長楊十項秋陰鎖北堂門外兵塵漲秦楚水邊煙景似湖湘

荷翻山雨僧窻晚竹泛溪風客枕涼早晚初平遂真隱遶陂閑牧石頭羊

宋景蕭

景蕭字望之濟川族孫正大六年進士辟令秦安未赴遭亂望之於劉景玄爲外兄故其詩頗獲沾丐嘗有荒山銷盡古今魂之句詩家稱焉

河陰望河胡感寓一首

南來邊報日駸駸思禹亭高泪滿襟野燒爲誰留白草荒城空自隔疎林
鴈聲不斷天連水山色無情古又今離合興亡只如此往年爭識少陵心

春雪用上官明之韻

唳唳春虫開撲窻地爐茶鼎蚓聲長詩中有味清於酒只欠水梢數點香

李警院天翼

天翼字輔之固安人貞祐二年進士歷滎陽長社開封三縣令所在有治
聲遷右警巡使汴梁既下僑寓聊城落薄失次無以爲資辟濟南漕司從
事方鑿圓枘了不與世合衆口媒孽竟罹非命輔之材具甚美且有志於
學與人交款曲周密久而愈厚死之日天下識與不識皆爲流涕予謂天
道悠遠良不可知而天理之在人心者亦自不泯也

還家三首

幽花雜草滿城頭華屋唯殘土一丘鄉社舊人何處在語音強半是陳州
牡丹樹下影堂前幾醉春風穀雨天二十六年渾一夢堂空樹老我華顛
殊音異服不相親獨倚荒城淚滿巾祗有青山淡相對似憐我是此鄉人

張叅議澄

澄字之純別字仲經本出遼東烏惹族國初遷之隆安祖黃縣府君移官
洛水因家焉之純早孤能自樹立避地洛西率資無旬日計而泰然以閉
戶讀書爲業嘗從辛敬之趙直之講學故詩文皆有律度兵後居東平詩
名藉甚如云齊客計窮思蹈海杞人癡絕謾憂天壞壁粘蝸艱國步荒
池漂蟻失軍容此類甚多

積雨

積雨生頑痺新晴意自怡幽花依小徑野蔓媚踈籬髮少從梳懶年衰與
杖宜腐儒漸用拙糲食復何辭

和林秋日感懷寄張文御史二首

塞草枯黃秋未殘北風裘褐日生寒田園政憶遂初賦冰雪莫吟行路難

囊穎露錐徒自苦
削縱有劍抵空彈
南窓明煖無塵到
慚愧高人老鷓冠
別家六見月牙新
萬里風霜老病身
塊坐檀廬心悄悄
遠懷茅屋夢頻頻
瓜田無取終成謗
市虎相傳又是真
鄉國歸程應歲暮
火爐煨栗話情親

輓馬圖

飛輶乘城力亦優
不應伏櫪便垂頭
而今世上無良樂
兀兀黃塵輓得休

劉神童微

微字伯祥益都人
七歲能文道陵召入宮
賦鳳凰來儀二首稱
旨賜經童出身
係籍太學後登貞祐二年弟

春柳應制得城字

翠細圓勻綠線輕
着行排立弄新晴
更看三月春風裏
散作飛花滿鳳城

郭宣道

宣道字德明邢州人
系出衣冠家人物楚楚
而有老成之風貞祐中
客南陽名士定興張履坦
之罷鄧州觀察閒居此縣
之石橋見德明愛之招致
門下飲食教督委曲周備
遂有聲場屋閒正大末沒
兵中

送同舍張耀卿補掾中臺

摩雲頭角看昂藏
意外升沉豈易量
取士皆知有科舉
進身初不在文章
關心鴈塔功名晚
試手烏臺歲月忙
此去一官先有路
獨憐燈火夜窈涼

張仲宣

仲宣字利夫相州人
舉進士有聲子柔字子友
今在林慮

下弟

主司頭腦舊冬烘
更着書郎骨相窮
曉賦得官何足道
直須遮馬困吳融

戲題石鹿蜂猴畫卷

橫槊將軍馬足塵
判花學止筆頭春
功名果屬丹青手
造物如何戲得人

胡汲

汲字直卿衛州人
少有賦聲與新鄭傅伯祥
呂鵬舉相友善兒寢陋而滑
稽無窮時命不偶竟窮悴而死

休笑參軍靴不鞞
休嗟門客食無魚
燕鴻來去端誰使
鵬鷄消搖本自如
潦倒淵明三徑菊
荒唐惠子五車書
古人淡裏求真味
身外紛華不羨渠

王脩齡

脩齡字紹先同州人
詩有得意好花開
早落喚愁芳草燒
還生之句閑閑

愛而戲之目為癡仙人

黃葉行送祖唐臣歸柘縣

送君黃葉山黃葉紛不掃上有蕭蕭之風樹下有漫漫之衰草山中黃葉
行復青髀肉一消人自老酒盡意不盡執手臨古道古道連延走錦襄錦
襄日暮浮雲翔一燈孤館相思處寒鴈一聲秋夜長

中州辛集卷終

